



10331

國朝畿輔詩傳卷三十九

海國志館印

長洲陶 樑鳧薈輯 甘泉汪喜孫孟慈校

翁方綱

翁方綱藏書印

方綱字正三號覃溪大興人乾隆十七年進士官內閣學士左遷鴻臚寺卿有復初齋詩集七

十卷

陸廷樞序自漁洋先生取嚴滄浪以禪喻詩謂詩有別才非關學也於是格調流於空疏神韻流於寥闊矣吾友覃溪蓋純乎以學為詩者歟自諸經傳疏以及史傳之考訂金石文字之爬梳皆貫徹洋溢於其詩雖所服膺在少陵瓣香在東坡而初不以一家執也蒲褐山房詩話覃溪年甫及弱冠已入詞垣而精心積學宏覽多聞所著兩漢金石記剖析毫

國朝畿輔詩傳卷三十九

一

芒參以說文正義幾欲駕洪文惠而上之近年研精經術嘉慶己未予入京師見其方考禹貢顧命兩篇諸儒同異相與辨難斷竟日詩宗江西派出入山谷誠齋間雖嘗仿趙秋谷聲調諧取唐宋大家古詩審其音節刊示學者然自作亦不能盡合也書法初法顏平原繼學歐陽率更隸法史晨韓勅諸碑生平雙鉤摹勒舊碑數十家是以北方求書碑版者畢歸之詩人徵畧先生年十二補順天府學生丁卯年十五中式舉人壬申中式進士改庶吉士甲戌散館授編修己卯奉命典試湖北甲申奉命典試湖廣辛卯奉命典試江南辛丑擢國子監司業旋擢司經局洗馬癸卯奉命充順天鄉試副考官甲辰遷少詹事丙午奉命視學江西庚戌十月御乾清門先生以學士承旨辛亥奉命視學山東嘉慶元年丙辰賜千叟宴己未授鴻臚寺卿甲子重赴泮林

丁卯奉旨賜三品銜重預鹿鳴宴甲戌

賜加二品銜重頂

恩榮宴戊寅卒年

八十六先生精心汲古宏覽多聞於金石譜錄
書畫碑版之學尤能剖析毫芒如肉貫弗生平
論詩謂漁洋論神韻二字固爲超妙但其弊恐
流爲空調故特拈肌理二字蓋欲以實救虛也
復初齋集中詩幾於言言徵實使閱者如入寶
山心搖目眩蓋必有先生之學然後有先生之
詩世有空疎白腹之人於先生之學未曾窺及
涯溪而輕詆先生
之詩是則妄矣

紅豆樹館詩話乾隆中畿輔前輩以宏獎風流
爲已任首推朱文正紀文達兩相國而覃溪先
生鼎峙其間幾欲狎主齊盟互執牛耳通籍以
後屢持文柄英才碩彥識拔無遺厥後多以文
名馮編修敏昌吳刺史嵩梁其尤著也復初齋
詩集大概體分兩種金石碑版之作偏旁點畫
剖析入微折衷至當品題書畫之作偏旁點畫
辨訂精嚴瓣香在蘇黃二家間取元裕之虞道
園徵文攷典幾於無一字無來歷而雄傑之氣
峭拔之筆相輔以行擺脫町畦別開奧窔舉神

國朝畿輔詩傳

卷三十九

二

韻風格性靈諸說皆不足以囿之匪獨爲畿輔
詩人一大宗實近日文章家所未有也生平嗜
古成癖使節所莅殘障斷碣必多方物色摹搨
以歸鑿藏之盛甲於北方正書法虞永興歐陽
率更化度一碑尤所得力行書得蘭亭神韻晚
年以蘇米之法行之八十餘猶日作蠅頭書以
自課蘇齋儲書數萬卷丹青幾徧蓋先生天賦
奇稟神明不衰殫心研究老而彌篤誠儒林文
苑中一代偉人矣全詩初刻六十六卷歿後李
蘭卿觀察續刻四卷遂成完帙蔣礪堂夫子題
云師昔重宴瓊林年復初齋臺初雕鐫細子敢
議經笥邊芸臺所刻居吾前鴻篇架備細不捐
六十六卷袁然全斯文照世神在十歲月屢易
嗚嘗麗李君拾得珍珠船續纂四帙齊未巔手
爲校錄心周旋一字不使訛旁偏八音始覺完
編縣開卷振觸感桑田吾師晚歲娛林泉門庭
問字車蟬聯好古徵信追彭錢石墨萬軸堆几
筵得意輒聳雙吟肩豈特鎔鑄固與遷鄭箋馬
疏尤精研羣經解義遲成編雄文直接昌黎傳
胸羅星宿筆似椽下視湜籍何屯遼湖海詩人

空愛憐二者制廟猶遷延我官翰林撒金蓮校
讐丙夜青藜然師每借書如眼穿墨痕寸蹟雲
霞鮮至今什襲方虔虔嶺南重鎮慙垂鞭壽我
五十郵筒專金堅石介心纏絲勉以實政詩兩
篇是陶是杜離言筌十年過眼如雲烟展卷讀
詩紛涕漣蘭亭考異窮勾弦化度碑字供擅旃
辨香所奉敢弗調海之一勺山一舉揭來箋刻
全功竣恍聽絲竹偕彭宣還拜詩境陳豆籩神
兮髣髴下八埏默鑒蔣阮遙論仙相公作詩夙
夢圓翰墨共結千秋緣案此詩與曹儷笙相國
同作故結
句云云

紀連州山水六百四十字

南北千石巖東西兩雲谷百里相聯縣三峽互起伏初
不知是峽水轉山漸束湍湟池迤邐來一線如緣督中徑
陽山縣篁箐夾猿族石尖皆插空十百相攢矗密到無

國朝畿輔詩傳

卷三十九

三

可容忽焉浪倒蹴展作壁一面細碎支錦蹙雲與水織
成變彩難定目亦復無定何凹凸屢迴復不知誰鑄鑿
有洞在其腹洞口皆橫雲洞額乃古木松杉與茶子榕
橘楓柏榭千歲之黃猿叫嘯臂牽屬接葉擲飛石洞中
響碌碌一聲長數尺驚出白蝙蝠又聞叩水聲坎坎如
搗粟是石所吞吐牝牡自相觸縈迴應答中滴瀝出葩
縛何年白筍芽乳穴穉猶蓄倒披叢蕨蕤片片雜綺縠
又非雲非水萬花各成簇剖破青蓮蓬却吐芝蘭菊平
鋪蒼鱗甲試剝檜樅竹其膚所分脈表裏間單復空青
又虛白盡入黝丹綠午日下照之豈復識巖麓三素更

九霞千光聚一曠荒幻萬象來悉數難更僕蛻骨撐蛟
蚪皴皮挂蛇蝮直垂牛尾掉橫出鷹觜啄戢戢魚駢乙
閃閃龜縮六古佛披袈裟老漁麗呈麗編縣篋與簞偃
仰航復舳最奇一臥仙坦腹如睡熟攀援上其背鐫字
細堪錄蓋記開峽事嘉靖歲江牧此峽疏鑿屢嘉泰有
前躅記劖絕壁上憶昨剔晴旭瀑流太喧飀苔蝕不可
讀瀑之所發源諸峽一洄洑或結爲鍾乳分綴于巖澳
爲丁爲堂密壘瓏巧裝築然後以水簾分垂各成幅漸
上漸琤琤一一笙琴窅直到龍涎峽一瀉珠萬斛是皆
自九陂二十里奔逐無峯無飛泉又妙能斷續雖只兩
國朝畿輔詩傳卷三十九

四

壁對知復幾千曲及乎巾山腳已跨州城陸此處一迴
望萬綠在我掬峯峯飛舞來豈止水爭瀑始知韓公記
燕喜非虛卜渾然天成處著此三間屋其泉曰天澤繞
下石橋足源上市山頂濂溪澤猶沐廉泉之源四
字周子題雙磎
禽邕邕雙柏風謾謾八窗自開闔空翠滿春服俄頃雲
四合松篁叶塤祝四山草木氣來助新霽霖哇咬枿曰
作誰觸誰斤斲鍾美而滌惡誰日培靈淑我坐北山寺
寺鐘飯又粥飯罷但弄泉跳盆看珠玉

清遠峽口阻漲泊舟三日

雨久農未妨江村鼓簫盛晚晴江更白鑄出團團鏡衆

山影倒來山山挂泉迸不雨而水增所以江力勁山復
淡夕烟徐合江光暝風涼遠岸笛月上昏林磬此時波
不興下上一緣淨船人歌亦起靜與漁榔應月落水已
殺露珠滿榕逕

十月十五日遊惠州西湖

堤盡湖又起舍車乃就舟背指漱玉灘前問點翠洲青
黃夾老對橫直蒼雲秋葭葦笑語聲鍾艾婦子謀聽到
第三橋漁網紛未收牒子小于葉點破碧玉流網舉果
得魚盆貯來船頭何人看此景遠凭烟際樓

五藍驛雨

國朝畿輔詩傳

卷三十九

五

一夕枕簟涼海氣颯而入四窗如浮動萬壑乃呼吸陽
江上端江迴瀾勢所及萬里之飛流瞬息海皆立雲屯
西峽重雷殷南山急日出草木香前礪襟袂挹

述庵廷尉招同諸公集陶然亭分賦

旗亭畫壁詩偶出騷人託英靈間氣集又非一時作公
錄湖海什聊仿真率約筵雖萃簪紳體不拘臺閣秋聲
入蒲褐拈出當郊郭城陰葭菼間山翠衣襟落夕陽烟
濛濛飛鳥去寥廓觴忽望遠停窗爲懷人拓同聲感於
喬在陰和爾鶴曰佩湘皋蘭誰喻檀園臻琴理了無因
畫稿從何著

坐中有彈琴者有作畫者

試續西園記還訂重陽酌

孝哉閔子行肖哉閔子圖請陳圖所肖爲君筆重濡君
昔失怙恃形貌無人摹日夜以哭泣兒啼聲呱呱時時
向太空繪影俄有無自顧轉自驚何以有髮膚乾坤浩
茫茫叫絕淚眼枯忽逢村間叟仿佛蒼眉鬚拜揖延至
家諦視信不殊款之以酒食冀得記錙銖翌日貌諸紙
所記嗟復虛屢貌屢不似寤寐以秋獻一旦竟得之此
腕非操觚痛哭置筆拜此果吾父乎異哉又一嫗亦宛
遇之塗天爲孝子繪巧使相逢諸依依雙遺像一幅挂
于廬從此能貌人無弗心手如嗚呼精誠感何必筵降
國朝畿輔詩傳 卷三十九 六

巫皤皤二老人日日真倚閭三醴視漿醴八珍沃淳母
飯用黍梁稌芼之蔥芥菹春秋霜復露晨昏盤與盂呼
兒侍佐餒喚婦出中廚所以別摹此一堂儼怡愉兒後
孫隨母子傍婦獻姑婦傍又兒妾相亞青羅襦妾也昔
年病病中絕復甦云見二人來念兒及兒孥二人今未
亡警欬此庭除食息相與偕溫清相與俱昊天相與永
愛日相與娛人生獨何事富貴與名譽金紫到卿相神
仙到華胥囊致萬金產胸積萬卷書不如茆屋下手掖
一板輿不如菽水間手摘一新蔬徵詩逾千首讚佛跪
雙趺不如寫先像宛宛如當初人雖抱此心誰有此手

歎君乃有此手而我空嗟吁嗟吁不自解媿彼反哺鳥
兩峯爲孔雩谷畫梅

羅生本詩流胸次無宿物筆頭太古春得墨天機活早
事金先生擬押祕鑑撥騎驢長安道凜冽氣難奪丈夫
玉立姿詎肯事干謁饑寒與妻子跌宕能擺脫雨雪空
山夢時時出仿佛珠宮卷烟霧玉笛吹冰鐵鞭弭蛟虬
螭旂幢仙鬼佛都化作梅花一片神與骨往瞻東嶽柏
得氣逾挺拔那受衆目憐森然羣芳掇結交洙泗林握
手肝腸熱金絲詩禮堂可以聲聞達是乃梅性情見我
誼披豁七年重北來孔令盟共切更訂邗江諾久要誓
國朝畿輔詩傳卷三十九

七

饑渴聊借窗上影寫此城南別酒酣神飛動長嘯激寥
濶他日江渚舟還照蘇齋月

滕縣至韓莊道中

曉日壓雪氣蒸蒸若浮烟一縷昨夕雲黏著寒樹顛高
低哇水聲瓊馱相後先百里積雪光晶晶浮遠天宿麥
萬頃綠劃破瓊瑤田沙深帶沮洳蓄暖作漪漣迢遞微
山湖盧舍菰蒲連空濛合青徐直際淮海邊

出南康府城西門望廬山雲氣

門開星灣北郡抱沙洲面旬日風四靈晨容豁一變融
融霽氣中野曠山蔥蒨我與匡廬君始以真相見兜羅

骨半腰玉簾垂一線濛濛噓淡白吞吐青瑤片大哉虛
寸澤端可六合徧顧以晴翠光洗我連宵倦衡雲禱無
私海市祈敢炫半日竹輿上冷風有餘善

發南昌述懷

草廬及道園文章皆理學夫豈才筆騁務與歐曾角半
山急用世成就或醇駁當其始學時本亦勤切琢土方
茅屋居遑遑見甚卓履之乃知艱境苦不自覺正要翻
覆看方信志行確平易初何害質厚乃完璞近人學三
魏格調襲煩數端從肆經始此事須商榷

閱世三十年方知學爲福謝生三爲郡始羨一窗讀啟

國朝畿輔詩傳卷三十九

八

傅生神明宰作霖喻生循良牧寶各抱一經歸貧不具體

粥楊生方楚遊宦歸賣茆屋書來約秋杪晤我東湖澳

宗理裝不及待剪燭何時卜二三門下士青鬢半已禿

安得不慨思燈火親敝簾顧語新英俊鑒此年晷速

章門靜如鏡昔迴粵海舟十八年前水復繞衣襟流昨

非雖屢悟昔遁何從收韋弦誠已佩禍急疾未瘳知過

弗能改譽言日交投念此汗浹背顧影中夜羞日對匡

君語尙未除驕浮此去讀何書始克寡悔尤惠而能好

我勗以加勤修歸當勒五序置諸石墨樓諸生贈文五首

太白浣筆泉

太白浣筆時已非今日水今我浣筆來又非當時李此
泉豈異觀泠然一泓耳人自生分別泉寧識所以吾觀
太白才未易升斗擬當其濡筆時雲霞生十指寸管力
萬鈞海涌羣峯峙測之涓者流僅此尺與咫恐有星宿
光直徹虛無底融結復上蒸墨花交筆髓千載凝不散
至今猶未已後來李河輩山東說才子峨眉天半雪格
調徒爲爾近日託仙才中條有狂士亦及石帆亭得聞
屨提旨未知迦葉拈勺水喻奚似今古文字香須人爲
料理太白筆何在卽此泉水是長嘯扣石欄此才當出
矣水風吹衣急一片溪雲起

國朝畿輔詩傳

卷三十九

九

象星以和吳淵穎題錢舜舉張麗華侍女汲井圖
詩見示因賦此

西風故宮吹井槐雪川老翁生遠哀心在臺城轆轤上
貌得臨春結綺開宮妝那仿周文矩斜挽曉鬢雲一縷
想像湖邊雞始鳴南埭空涼夜來雨

九曜石歌

九曜亭邊九曜石南漢劉龔故苑之遺蹟愛蓮種蓮事
俱往千載仙湖水猶碧前秋訪石因登亭周遭顧盼疑
列星五日輒乘使車去未得剗苔剔蘚恣留停古色摩
挲入夢寐巾箱仿佛圖真形一石圓頂如建瓴危根下

削漱清冷一石四達如疏櫺
旁有直幹撐玲峴樹與石
抱石轉青往往樹皆過百齡
不獨昔日太湖靈壁浮海
至影沙激浪增瓏玲崩雲散
雪那遠一一數但覺嵌崑
砢兀勢欲凌滄溟昨歸經冬
水初退坐看家僮洗萍塊
兩溜磨崖字尙存泥淤仙掌
痕還在盧程許刻次第尋
陳九仙書竟晦昧不知米家
詩句刻何處想在老榕巨
根內文藻同時有傳否亭沼
何心歎興廢九曜石今日
誰能識爲九一石獨合三石
成此語聞又百年後藥洲
兩字亦是元章題斜日蒼烟
但翹首

石鐘巖

國朝畿輔詩傳

卷三十九

十

東洞臨江數十尺西洞纔及江之湄
大鯉峽石勢多異
洞口洞簷皆水雲洞額方廣類有字
腐草所積成荆榛
束火時時見散石兩兩奔逸加麕
麕噲吟鏗踏復何有
老人笑欬疑或聞陰陰深黑不敢
照白日飛鼠長于人
二碑紀遊誇始闢崔劉韓張未問津
石田丹竈却安在
我欲鑿鑿母薶湮

西新橋

公昔夜登石樓峯鐵橋石柱撐青空
杖藜歸來鰲湖上
奇思却夢銘新宮彫珉盤礎架祥霓
屹然石礫如神
工栖禪院僧握手笑芟藜坐見豐湖
豐裏湖外湖互映

帶城市梵剎相西東
灘曰漱玉洲點翠大小島嶼青濛
濛烟中雨後倚欄立不虛明聖湖名同在杭在穎與在
惠等此十頃玻璃風槎溪榕泉匪人鑿神池本與羅浮
通我疑高秋月明夕堤邊真有公扶筇

蘊山以近詩寄惠州舟中點定漫書紙尾

作詩辟如作畫然得意乃在筆墨先龍晴一點却飛去
金針欲度何由緣道子之筆項容墨尙聞洪谷譏其專
象外雖云得摩詰設色何必非龍眠吾觀營邱華原輩
胸中本有全山川層巒疊嶂架樓閣野橋細路分水泉
天然遠近與向背依約脈絡相蟬聯然後淡濃視意到

國朝畿輔詩傳

卷三十九

七

變化開闔非言詮此須多識多閱歷目存心鑒日復年
位置乃能一一合孰爲粉墨黃朱鉛泊乎神來氣來候
但見一片成雲烟向來所取盡糟粕或進于道通于禪
裹糧方能辦遠適求魚且莫思忘筌不到解衣盤礴羸
敢希神妙秋毫巔謝生新詩錄寄我正值惠州初放船
短篷晴日爲點定羅浮日日橫几前偶因卽目悟妙理
再書紙尾詞牽連生如問我何處得得自遠麓空江邊

光孝寺貫休畫羅漢子前年已有詩上元前一日

潮州試院與諸君分賦粵中古蹟拈得此題復

作一篇

畫休畫如懷素字嘗聞縱筆龍華寺巨石枯松水墨圖
殿內宣傳院中賜歐陽學士炯曾作歌應天三絕珍無

過流傳一十有六幅算沙閱劫如恒河現身寫就西山
院雲堂雲深不可見我昔因讀朱十詩詞子林中覲真
面古綃旣白更轉黑我見去朱年又百伏虎一幅挂其
旁似爲古綃增古光綃端寒意初蒼茫貝葉颯颯吹禪
牀平檐垂雲當几研照見梵書細著行侍者半露神清
揚松根巖縫那可方鼻垂不見案象白臂展果有崖猿
蒼冥搜本以無意得伏犀瘦鶴虛無鄉覺來仍用篆隸
法毫端窳窳手已忘月圓風落電復轉帶靈縈雲白舒
國朝畿輔詩傳 卷三十九 三

卷十六不存此僅存敗壁烟煤黧蒼蘚我見此畫已四
秋廣州寺夢來潮州仿作羣鴻戲海勢草書曠蕩氣更
適參寥子評匪詩句香鑪峯下題何處渡水應追摩詰
前白描漫向龍眠悟我家城南南更東明因古寺巨軸
同紫柏贊語空秋風他時扣扉問老宿夜深可有光熊
熊

晨起同葺石宮簷辛楣學士魚山孝廉憫忠寺海
棠花下作

春禽聒破僧房眠四三客占遊蜂先日出未出雨未雨
輓轡掣響山門泉日氣尙輕花氣重薰蒸故在陰涼前

此時院落靜如掃花與我輩相周旋豈惟嬋娟卻麤俗
爭比翠袖與紫綿千跗萬萼疊照曜星梭霞佩相聯翩
濃雲捲盡竟夕霧淨影襯出微藍天豐肌明瑩自顧盼
肯假懶困成韶妍空光動搖非妥側垂絲濃淡忽接連
密疎高下與向背一院簌簌濛濛烟齋廚不用護鈴索
穿出梵放清而圓訪碑問竹來太熟及取未起栖鴉邊
新陽漸暖向南郭佳句誰補從西川花風掠轉花雨作
明日滿地飛榆錢

以廣東石刻數種贈竹君學使蓋欲易其安徽諸
石刻也詩以代柬

國朝畿輔詩傳

卷三十九

三

十年不得聯牀話一笑先索償詩債春明對巷憶扳遊
古寺東西聽梵唄眼明興到蹟輒追子得頗多吾已隘
後先持節出國門我則嶺東子江介校文之暇每舟車
此物投人吐光怪山川須借文字氣洗剔不關袍笏拜
虛名好古最累人措碑顧絳因興喟而我巾箱貯翠墨
不問片紙文成壞絕壁時聞海颶來捫蘿屢冒秋陽曬
羅浮巖麓經十度歸檝潯陽竚九派爾時子正掬黃海
九點池陽可一芥象之目陳思編嶺南尚遜江南界
梅花亭子記最豪楚金扁字卷如蠶玉堂典冊要子歸
手裏贏糧起我憊花辰何以補契濶珠琲旋將出狡獪

移我袖中東海石酌子天漿北斗濯三十六峯四百峯
得我二人真一快新禽響借松風轉活泉袂又蘭舟屈
更聞韶香所察碑新入琳瑯錄金薤明朝步履過東家
何用盡捻書籍賣

書萬季野明史列傳手彙殘本後

紀傳四百六十卷淮陰劉家錄其半史表史志用力殊
班昭劉昭孰一貫徒令橫雲題作集體例依然無論贊
當年屹屹蒐廢墜想披實錄爲三歎舊家文獻浩誰徵
平日稗官紛不算千秋不少野史亭幾個無欺青竹汗
貯瓢班敘自奇古索米丁儀非點竄萬表傳與王氏刻本不同
國朝畿輔詩傳

卷三十九

古

初橐經幾削今者烟煤况焦爨依稀黜陟紀九邊零落
章奏爭三案傳聞更有明通鑑恨不同茲勤手盥石經
考存石鼓亡彼書錄者徒供翫香野有書學彙編二十四卷楷勢畧
似梨洲老挑燈况在華亭館如此手腕繼南雷不得翺
翔上東觀吾輩汗顏何以報日日虛糜大官絮

宋高宗題院畫紈扇芳草西池路紫荆三四家憶會騎款段隨意入桃花德壽

二字印

粉雲滴翠烟濛濛樓臺渾在粉翠中柳絲綠重不受水
橫坡一片桃花風苑牆宮樹遞隱見畫欄文石交玲瓏
秋千半倚濃靄出管絃側想飄春空疏櫳侍兒渺遙睇

騎馬少年隨短僮村家淡得點綴意午光襯出天天紅
乾淳時節二三月翠寒堂啟德壽宮園前好手各新意
忘憂諶草期何窮邊奏不來春讌罷江南情思馳怱怱
不獨款段理遊轡兼憶泥馬奔風駿白團金絲八法備
儻與題寫七月同潞王小印亦杭事定審古鼎非贗充
見姜紹書韻石齋筆談迴環撫絹三歎息又六百轉春光融何必
西湖日懷古鶯堤柳浪支烟篷

徐蒼林以成都杜像石刻軸見贈

徐生憐我夢寐勞苦執句字搜脂膏浣花溪邊一幅影
使我神想三頰毫何宇度摹歲元默草堂院竹青周遭
國朝畿輔詩傳卷三十九

五

草堂石古寺亦古舊弗種竹聞種桃曲池幽桂側掩映
麻鞵布鞵來遊遨或云藍本戴笠像鷗波亭長觚昔操
鷗波寫真仿誰自秦州手勒真吾曹卽茲墨本寄天壤
何地可以浮之醪前千百年有雅頌後千萬古餘風騷
先生不死不在貌三山根極連六鼇河源一脈溯莽莽
江塹萬里來滔滔焚香小閣淡無物涼空露下星辰高
巨然茂林疊嶂圖 有米元暉題字倪生魏國諸印

御府百三十六圖茂林疊嶂居其一今時禿巨筆最稀
夜月光猶墨如漆絹端題字認小米長江卷自元符日
西湖一曲賜奇勛蟋蟀堂前鑒裁密悅生別錄目不全

魏國封名史則佚金題玉踐閱南宋百餘年間電光疾
落我秋窗論世眼料量筆虛與筆實南唐人物又一時
玉堂院壁天下奇想見衆史爲閣筆獨與造物參合離
董源尺寸可千里時惟巨也能師之山巒重疊自闕鎖
烟樹隱見相參差蓋以雲氣爲頓挫而於石脈連根支
渾淪不見起與訖太陰作雨湘娥悲燈前簾外夢恫怛
錦囊欲卷猶然疑

登攝山最高峯頂作歌

攝山山勢趨正東三面接山山不同連延平迤控鍾阜
落星畫石排寵從其俯亭閣其仰石詩峯諸寺皆嵌空
國朝畿輔詩傳卷三十九 七
中峯直上裘挈領紫閣一線雲盪胸穿雲不知在雲上
四垂但見烟濛濛南則縈青北繚白白光忽與層青通
萬山巉巖若拱揖大江滾滾來朝宗瓜洲兩崖夾鏡小
金焦一點微藍濃大扁如粒渺東去有人仰望支烟篷
百卅丈頂繖蓋杪四三遊客僧窗中一株鴨腳十丈立
如薺平地誰攜筇我亦層層瞰來路泉抱雲石雲交松
齊梁棟宇唐宋蹟斷靄攝入斜陽紅極空無雲目萬里
鏡天一碧江青銅十日登可補九日謝郎句恰陪謝公
霜高助我奇響發洲尾浩浩來天風

德雲庵過白雲庵遙見蓬蓬雲滿院度橋小憩橋西亭
我與白雲初對面一西一東從何來滾滾濛濛翳深殿
忽然結作萬丁戶羅列撐空諸怪變縱橫掀舞掉尾脊
觀者循廊日爲眩我從峯頂得脈來雲葉雲根初一線
瓔珞華交妙鬢旋芙蓉帶接兜羅胷泊來中央四合抱
飄如衣袂飛如練茫乎浩乎大雲海蛟鼉鼠鳳來酣戰
霧者下垂圍上升墮掣流星圓畫電攝之靜坐凜仍逼
氣欲蒸空青可鍊道人莫漫拈幻形但執天花石巖片

天開巖

西嶺不識朝噉升地險石巨排層層中開一徑豁石壁
國朝畿輔詩傳

卷三十九

七

危梯如削不可登何年巨靈以手擘巖谷呼舞相然騰
尙餘石縫作開合右脇一掩千峻嶒石花噴綠苔蘚漬
半巖松氣青相承始知初日照簷際萬峯直下皆欄凭
赤文綠字儻可迹架丁鑿戶初誰勝傳聞岌巢三大字
開巖近日釋惠能又聞南唐二徐筆螭篆遺法光金繩
捫蘿四顧渺何在千佛之題蝕否曾巖深去急覓未徧
禹碑摹本空嗟稱俗儒信耳不信目此習亦到巖間僧
二楊釋文太措挂嗟此何足相蟲冰出巖謾謾風掠耳
露溼襟袷寒凌兢

受翠樓

紫閣峯轉太古堂曲房直檻交迴廊樓背之峯峯背樹
十步五步皆稠岡宋齊已來之黛綠真色不受秋空霜
修眉嫋顏與列髻凸凹濃淡排青蒼今晨雲霞昨烟雨
石竇炯炯穿初陽中峯左右屹兩股萬松萬壑森相當
迴環到此大結束臨高臺以層軒張拍肩挹袖絢掩映
遠深近淺收丹黃漸空漸俯忽無際奇哉疊複不可詳
江東諸山出檻外綠繞京口兼維揚陰晴明滅極萬變
嵐烟江靄同一光千里面規半掩勢六扇窗甫寸目償
造化增損巧結構嗟此位置誰料量更上有亭反遜此
其視平碧惟松篁乘除可悟消納法頓挫起伏皆文章
國朝畿輔詩傳卷三十九
六
盪胸之雲一杼瀉迴輿忽又擗滿囊翠從何來不可記
旭照雲海仍茫茫

未谷得宋鑄銅章曰山谷詩孫以贈仲則諸公同
賦

涪翁二十七世孫祖居分寧孫武進百不一能已不俗
况復能詩能鑄印詩非雙井乃太白印出六書師許慎
六書益友冬卉子一札囊封昨頻訊只須黃子詩先就
不患瑤華筆難潤紫微玉父支派系善權如可餘分閨
淳祐袁州太守賢咸淳紹谷家風振葉水心志黃子耕墓云子耕詩非子耕所能是魯直遺墨散落收拾未盡爾林麴齋跋敢問
黃紹谷集云紹谷爲涪翁直下孫決無忝於翁也

黃子奚所安勿俾此印名空徇豫章千年拔地起任史
三注登峯峻松風夢斷笙鶴來石牛洞響雷霆震我拜
先生小像前蒼茫萬古來馳信後來江左秀此人眼光
針芥非虛認孤寒何忌貧何病梧桐百尺岡千仞不獨
元暉繼阿章古刻摩挲追寶晉

石鼓歌

平生慨想韓蘇篇上台北斗光中天不知韓公何所歎
尙想少陵與謫仙賤子髫齡早釋褐摩挲此已三十年
熊熊但訝星墮地歷歷敢詡胸捫躔岐陽之蒐炳經傳
韓歌何以稱周宣其字兼該二篆體其文儼並二雅編

國朝畿輔詩傳

卷三十九

九

王內史書師最早馬定國評語不傳異哉或疑周卽魏

昨秋我辨萬與全

近日萬季野全謝山皆祖馬定國後周之說竊嘗作文正之

前韓

洽後顧

絳各違臆反以古說爲拘牽後代儒生敢侮聖

何傷日月輪高縣朱十作考不識字誤信楊薛諸家箋

滋陽牛氏作圖釋又執拓本訛相沿安得衆說出一貫

西廊向曉聽誦絃因進諸生爲講解十鼓向背東西偏

丁鼓獨方餘楯異初非一例如鼓圓已鼓作日字完好

庚辛二鼓排倒顛圍六七尺高二尺參差濶狹非齊肩

深山大野氣磊落渾金璞玉殊瑤鑄河圖洛書聖人則

龜文馬背奇毛旋鳳凰一羽麟一角珠貝眩晃龍蜿蜒

古奇文字大小篆凡將蒼頡相後先今也一依許慎惜
僅留什百於九千竊因許書考同異王鼓雩字殊不然
三十年中數字泐愜山已歎歲月遷後來剝蝕復何似
幸賴遮護深堂筵吾嘗手摹舊墨木角廢詳審斷與連
甲鼓角字下畫兩開
丙鼓贍字下從片女
其餘補正悉依石非復著錄矜從
前直以橫從準量鼎更莫傳會援斤權方今 聖

人考文字西清鑑古羅丹鉛周器琳瑯出 內府殿庭

寶氣陳豆籩夫子從周乃素志古光階阼相接聯敬濡
緜繪度款識精神萬古來篆烟一空籀史金石史不要
鐵網珍珠船元氣淋漓在天地筆勢融結從山川古今
國朝畿輔詩傳 卷三十九 三
第一寶刻在天下第一宮牆邊循廊再拜三歎息槐影
綠動苔花甌

范巨卿碑

五年前見范碑額十篆雙行欣創獲苦搜漢史覺碑浮
但執洪家品文格碑立青龍歲乙卯伯喈元常時已隔
誰念山陽與汝南獨行名垂節不易題曰廬江范府君
宜僅掄揚在官蹟管鮑遐蹤歷荆漢精誠空想堅金石
今覩茲碑乃識之全攝精神在筆畫漢京分隸篆之變
分布陰陽轉波磔其間骨月與性情風會推移匪朝夕
東京土人崇氣節二百年來熱腸積死友千秋爲泣下

何況當時薛與翟作書不記是何人筆勢飛騰動心魄
前規百變極方圓獨出冠時無衛索嗚呼巨卿託此碑
何減垂纓夢元伯杜陵慷慨嗣真作不獨論詩緬先澤
紛紛評駁趙洪斐漫假熹平石經釋桂四黃九今之俊
到眼古歡交莫逆寄我寒冬欲雪時瓦盆梅花映窗白
君無忽此殘泐本輪囷肝膽今猶昔虎賁誰曰非中郎
點畫對之猶拱璧吾意故在率更書一家三公誰考覈
任城城隅別草萊恐有虹光破空碧

青玉峽

青玉峽口雙厓開層青倒捲作怒雷馬尾東來勢一掉
國朝畿輔詩傳卷三十九 三

蹴起萬壑聲喧騰我初觀瀑十里外銀潢遠瀉高崖崑
到寺亭午霽色出珠簾正挂蓮花臺雲根卻踏巨鼇背
日影磨盪神龍頰仰望珠簾不可見中盞一碧如平盃
高峯轉東又轉北不知拗折從何來到此萬馬躍一鼓
飛花散雪成千堆大石礮礮剝萬古淋漓元氣非莓苔
手捫星辰不敢逼庚辰眼眩杓衡魁隔溪嘯答響山簾
長風襟袖凌九垓穿雲剔篆不能去麓沙細礫皆瓊瑰
漱玉亭子大如斗想像坡老真仙才安得急雨看龍鬪
狂呼漱澗千金壘

羅兩峯遊岱圖

羅君碧眼方兩瞳，跌坐意已乘虛冲。常時十指出雲霧，鍊氣浩蕩逢青童。今者披圖忽一笑，廬間呼吸天門通。吾嘗再陟子三陟，實以襟貯非繪功。聶君之書壬辰作

馬第伯記，緬磨胸至今，仿佛劉志注，遙參亭下人倚筇。

泰安聶紋撰
泰山道里記

子時正得聶君共真形，圖衛巾箱從石社。

層青夾礪氣，筍輿直上憑罡風。萬松翼護鸞鶴立，諸瀑突瀉蛟虬衝。前濤後響人語接，千盤一穴天咫容。精神飛出天地間，角根直挈陬維宮。鳥跡之書玉真詠，子往索之儻有蹤。秦牒唐碑何足紀，萬峯皺疊雲戎戎。東瞰樽桑大海綠，紫金浮動烟空濛。子能攝之領其要，歸來國朝畿輔詩傳。卷三十九 三

沐浴神丹紅，且應後園睨。杜甫那復密，雪追王蒙只。緜使我聳起立，七柏使院飛嵐濃。暑夕支窗北樓望，何意展卷城南同。子入於機冲，莫勝畫理孰與禪。觀空蘇齋何處著，此卷只有偃蓋屏風松。

題蘭泉廷尉三泖漁莊圖

黃浦三江滙，機山二陸居。扣門新醉酒，繫柳滿船書。鐵笛繩牀外，籃輿筍屐初。月明伊軋響，風定夜潭漁。

孤塔如人立，灣環別一莊。溪流屢迴轉，帆影去微茫。滬瀆葭蘆合，奈山筍藕香。烟晴簾半卷，極綠際東洋。

幅幅有深想，毫端不盡傳。石摹虞集記。虞文靖有泖滬黃氏樂金堂記

齋續鄭家箋

君有鄭學齋

悵望三千里沈吟二十年只應鄰

榻對茶熟越甌圓

題黃仲則江上愁心圖

秋水娟娟隔美人誰自成蘼蕪香自結杜若碧無情
攏檐延佇乘雲翮上征玉簫何處起天濶亂山橫
阻風眠飯話心事有誰知廿載詩狂後三更酒渴時
讀書今得路奉母喜伸眉莫信騷人輩烟江疊嶂詞

送穀人假歸杭州

湖上論香宿江船感玉琴柴門新雨足老屋落花深
日下羣相待天涯證此心秦雲將薊樹好在寫知音
穀人將以

秋初入關

國朝畿輔詩傳卷三十九

三

宛西道中

天近綠雲層高低寫稻塍水痕依蟹舍山影在漁簷
鳥破昏烟澹鱗鋪淨練澄誰知方郵燈金碧切觚稜

土城

雙阜接烟村人傳古薊門遠山青合氣斜月淡無痕
徑轉如城角泉清出樹根初涼林麓外遺蹟叩金元

瑞州水口寄范邁亭

邁亭時宰瑞之上高

廿載支篷處西南碧一灣水如前度夢花似故人顏
得月澄霞外生春澹靄間吳船誰續錄初見瑞州山

送林蘊齋

誰料今分手來當古信州江船陰易夕霜樹澹餘秋半
載懷難罄千峯挽不留盈盈襟帶水直注浙東流

和玉亭千相寺

松氣攝羣動階循無盡梯雲垂榆塞澗山壓薊門低石
榻搖逾靜齋扉扣不迷玲瓏千狀啟元是一端倪

上春十日舟發韶州雜詠

徐會稽碑蹟竟湮揚來祠下擷溪蘋拜公風度今三度
此嶺南人第一人舊宅烟蕪空漠漠世家子姓尙侏侏
何人臨得吳生筆絹色衣紋欲奪真

張文獻宅在平園今年謁祠又見像

國朝畿輔詩傳卷三十九

三

一輔與去年所見吳道子畫題字位置盡同

西巖石室季疵題網戶樵童去尙迷兩字從空下珠斗
昨宵深澗吐虹霓長常信有山卿語勾漏誰尋葛令栖
一記羽皇無處覓寸瀾碧又漲春谿

泐溪石室有陸羽樞室二大字

送錢雨時之安慶郡丞任

羨君報最因歸覲憶我趨庭共學詩廿載門牆無寸補
一樽江海幾分歧童遊爛漫情誰記老筆淋漓畫莫遲

令姪禕石將作畫贈行

又到西街新月上小亭接葉夕涼時

示益齋蘭佩受禹兼懷方軒

爾隨計吏太恩恩卻話同遊似夢中春社雞豚桑葉雨

夕陽籬柵菜花風苦思尙抱臨文病篝火都添課子功
二十年前滌溪水又看雩詠到兒童

題趙璞庵光祿授詩圖

開函清淚灑霜空一代才名孰比雄
瘵骨峻嶒皆浩氣暮雲慘淡起長虹
不徒國史存文苑遂有祠碑說慰

忠成都建慰忠祠王述庵爲撰碑六義從何著箋疏
九泉耿耿此孤哀

乞畫淋漓自寫哀儼同十愷一時開香橫鄧尉林端雪
怒起龍湫地底雷塞堠館垣晴倚眺
泉秋笛夜月徘徊燈前重說平生夢
眞見先生策杖來

河內陽平派別難底從家數判
毛韓烏臺况有申培學

國朝畿輔詩傳卷三十九 五

鯉對偏思丙舍安萬木深圍嘉植蔭
半江飛過翠濤寒何因十載先成畫
綸掖簪毫正拜官

有子飛騰上禁林蓼莪廢後義尤深
建安能者名同噪杜甫家兒事克任
已微賸來殘枏藁春明話到舊苔岑
丈夫如此垂天地淒絕江湖萬古心

送王述庵大理假歸青浦

廿載馳驅答報心得承慈竹覆春陰
卻從愛日鄉園景細話君恩
泖海深花發宜男添茁晚帖題丙舍

仿來禽江雲澗露霑重夜夜聽鐘夢
禁林

論詩湖海見天真鄭學箴規憶故人
每共寄園尋昔夢

敢援王翰願爲鄰山崖金石應新訪蒲褐香燈證夙因
稷事來年增卷軸僧廊相待落花辰

淮上寄內

昔年曾和長卿詩正是淮南落葉時驛舍宛然尋舊夢
候蟲似與話前期城陰漠漠人來少水氣昏昏雁去遲
海岱迴看又千里暮雲簾閣雨如絲

金臺書院作

依然窻草綠經春三十年來少故人日月光瞻天咫尺
粉榆材漸樹輪囷舊聞首善傳青史賤子髻齡本赤貧
猶有淚痕碑側在幾回題字拭梅陳

堂楹有陳公守創
梅公毅成題句

國朝畿輔詩傳

卷三十九

美

送邵二雲典試廣西

感舊炎洲十載心美人蘭葢佇盈襟西江渡口應相訊
南澗題名不可尋風急三湘泉漱玉秋高八樹粟抽金
四愁誰識張平子惆悵琅玕滿桂林

星橋至都樓亭南返同人集魚門寓齋

吳門三載夢歸橈苑路新秋蛭粉飄遊蹟還能談北郭
詩名豈止接東橋薇垣露翠初深裏芸館鐙紅記共挑
又到懷人殘醉處午陰欄角雨瀟瀟

同竹坪錫麓曉屏三司成陶然亭作和初白韻

佳辰偏少客來遊斜日澄潭澹不流昔郭村家如罨畫

出林峯意欲矜秋催詩酒綠萸盈把屈指鐙紅菊插頭
多費江南烟雨夢蘆花聲裏棹扁舟

闌中聞魚門編修詩假南歸賦此爲餞

菊黃秘閣曝書辰料爾歸帆氣味真握手離觴翻磊落
撚鬚對燭更精神淮南桂樹經秋雨江上梅花憶故人
今夜重簾新月影同文唱和記前春

潞河晚渡

潞河新樹點微霜渺渺孤帆帶夕陽馬足經秋知水性
客懷兩月檢詩囊城陰縷霧橫分白沙際圓蟾淡吐黃

三十七年前夢在露珠氣正感文昌

憶丁卯秋試臈城東文昌閣事也

國朝畿輔詩傳

卷三十九

七

典京兆試役竣告祭先墓有述

得栽嘉樹敬維桑拜告松楸淚滿觴尙愧瀧岡能勒表
敢誇晝錦遂名堂盟心月旦猶難信苦志風簷豈易償
一寸春暉荏已動暄陽草木積文章

龐公上塚緒誰傳誓墓義之絕可憐行役每逢歸必告
宦貧依舊祭無田門牆庇蔭餘千士江廣追惟又十年
稽首先靈虔禱乞願從燈火事青編

邁亭席上再疊前韻送莘田歸杭州

詩卷何須蜀道名臨安雨霽葉舟輕人歸雁後心逾遠
夢與鷗閒境不爭山翠染將螺子色湖光點出美人睛

南池故事憑君續讀杜神來酌一觥君在梓州曾過杜詩於祠壁故用君家叔園先生葦南池杜祠事爲比

欲遊青原阻雨不果

識得源頭更勿疑區區辨證太多癡山川笑我尋前夢
風雨催人訂後期待洗荒蕪文字習重拈真味石泉知
隔年淡月僧窗在江上梅花破臘時

江行晚景

竹港灣纔遠沙洲尾忽橫水烟冉冉上幾點鷺鷥明
微家千碛合返照一江紋近浦初吹浪前山欲起雲

浦浦杉榕蔭船船竹葦叢牛歸斷霞外笛起綠雲中

國朝畿輔詩傳

卷三十九

三

高靜思梧月圖

滿地碧雲皆水影客來何處認新秋忽從積雨濛濛外
澹倚微黃月一鉤

嶺東握手已三年日煮茅茶想惠泉又到石欄吹綠換
落花如毳竹如烟

題錢寶叔畫扇

臨江草屋如縣磬洗研焚香故友來門外漁舟穿樹影
好風一道白蘋開

瘦銅風雨對牀圖

足膝分攤萬卷書酒醒葉墮打窗初世間第一難忘處

難得先人有敝廬

二十八

暉南田豆花小幀

誰如老圃閱秋深
露滴青蟲溼滿襟
一段晚涼辜不得
隔籬人語月微陰

國朝畿輔詩傳 卷三十九

五



新編入精目錄

飛車去圃閱時來
露滴青蟲溼滿襟
一段晚涼辜不得

暉南田豆花小幀

國朝畿輔詩傳卷三十九 終

國朝畿輔詩傳卷四十

長洲陶

樑梟薊輯

錢塘吳長卿更生校

張模

模字元禮號晴溪宛平人冲之子乾隆十七年

進士歷官吏部稽勳司郎中有貫經堂詩鈔

翁方綱鐵琴歌為張晴溪作張兄徵我賦鐵琴
編檢巾箱無故實或云樵李項墨林會得鐵琴
聲中律天籟之字於腹鐫遂以閣名名四溢蕉
窗九錄所不詳琴史欲補憑誰述前年風雪長
安街凍鐵一條光似漆絃較久無人弗顧可橫
收之賞其質此鐵剛豈繞指柔一片輕滑可橫
膝試彈不作錚錚聲指外蒼堅餘密聲故從焦
尾一氣論同是精真百鍊出吾聞老鐵稱鐵體
遂既有之琴可匹署相應作鐵琴齋門限無煩
永師筆此琴故實起君家何用孫登討遺佚

國朝畿輔詩傳卷四十

一

蔣士銓鐵琴引為張晴溪作嶧陽老桐化為鐵
郭諒雷霄鑪鞴別龍池鳳額初鑄成梟掌人肩
皆妙絕當年躍冶尾不焦火力盡時名氣銷軫
暉岳柱一附綴搏拊有人心手調琴名天籟誰
氏作頊家因以顏其閣中有蘇門鸞鳳聲此語
傳問疑未確清河藏弄亦有年酒酣出示真麗
然鐵板銅琶已迴遊請君試著朱絲絃吁嗟乎
形模似出稽生鍛一錯何須六州換廣陵散久
絕人間井上
堯賓發三款
紅豆樹館詩話晴溪先生主講天津問津書院
紋士讀書務為根柢之學生平精鑿古商周彝
器偏傍款識均能辨晰書法南宮嘗摹刻貫經
堂米帖行世亦來禽戲鴻之亞也詩琅然清圓
不失雅音

七星巖

大湘小湘東嶽岑江水直下羚羊深烟螺涌出瀝湖岸

奇特奚止高千尋離離巖洞數叶斗錚錚鐘鼓潛通音

巖下有鐘鼓洞有時天光啟戶牖盡日嵐氣蒸晴陰晝眠蒼鼠

松子落暗掠白蝠藤枝森斲成文石大士像天然華鬘

重璆琳洞中有石觀音像莊嚴不出楊惠塑神妙來假吳主臨

一重一掩窮遠目再接再厲蠲塵襟端州雄俊控五嶺

是山彈壓衆壑欽祇今時平海波靖農服其耒士鳴琴

使者採風聊呈此攬勝非敢耽山林要令中和述 聖

化梯航萬里來獻琛佛香滿炷發深願歡喜似和迦陵

禽硬黃更擲景福字洞門鐫李邕大書景福二字純嘏永錫愚臣心

王仲光昆季招遊盤山歸途漫成

國朝畿輔詩傳 卷四十

投晚山前宿凌晨上翠微花香時入袖雲氣自沾衣綠

樹千重合清泉一道飛采來薇蕨美曉露未全晞

挂月峯前坐清光欲上時眼中空法界身外現琉璃樵

火穿林出鐘聲度澗遲不來方丈宿此景復誰知

扶杖度甘澗萬松青若何佛幢寒白日盤磴引青蘿懸

石疑峯墮深林畏虎過夕陽明繡嶺前路野花多

歸路頻回首晴嵐萬疊賒有山皆露骨無水不流花漸

遠孫登嘯難回博望槎秋來紅葉好重此問烟霞

臨湘道中

凌晨登古驛環抱萬山中竹影碎殘月松花落曉風奇

峯平地拔碧澗小橋通今日臨湘道雲鬢迴不同

初至廣州

八月羊城路天炎尙著紗已過丹荔子猶見素心花秀
嶺連樓起珠江抱郡斜此行殊不惡貫月許乘槎

畱別秦西巖觀察同年

七年方一見鬚髮漸蒼然歲月如流水知交半各天關
山京國夢風月五湖烟回首東南隔重期後會年

改官工部董曲江同年以詩見慰奉答原韻

由來骨格是麤官同舞霓裳了舊緣執戟乍趨丹陛

下揮毫爭羨御壚邊左家謾擬三都賦陶令歸耕二

國朝畿輔詩傳

卷四十

三

頃田一枕松風塵夢醒鞭笞鸞鳳讓諸仙

揚州晤蔣春農張松枰兩同年竝唐再可明府

誰道相逢盡白頭抽簪舊侶半揚州挑燈難得今宵會
彈指會經十數秋老去情懷頻眷戀歸途風雨畏勾畱
賈山果有田園在不作南來第二遊

于豹文

豹文字虹亭天津人乾隆十七年進士有南岡

詩草

津門詩鈔先生短身貌陋天才警敏借人書一覽卽歸之終身成誦壬申會闈主試者獲公卷如得拱璧登上選後病膝沒里人情之

于巨樹序兄之詩慷慨鬱陶
蒼涼蕭械一歸於情性之正

古悲歌

人言鄉井好而我謂不然結髮事遠征萬里共一天伏
波拔大羅都護勒燕然丈夫騁長步宜爲妻子牽所嗟
乏貴托衛霍多攀緣封侯困百戰幕府誰見憐坐令飛
將軍俯首廝養前何如歸南山射獵秋草邊功名勿復
道吾年今已全

雜感

義和無停御長繩安可繫冉冉百年中修短隨所際爾
精苟內搖金石有時做達觀幸及壯不朽用自勵

國朝畿輔詩傳

卷四十

四

庭前有桃李豔冶發春姿爭妍欣所託願盼生光輝下
士多後悟哲人重先知外榮中已枯坐怨秋風吹
征鴻來古塞飛飛渡江潯我有一書札因之寄遠音窈
窕二妃駕日夕湘中深下女不可貽雲陰愁暮心

大梁有死友古誼敦監門一朝握兵符睥睨無兩尊傷
哉泯水上刎頸聲自吞張陳尙復爾孫龐安足論

新霜有歸雁飛飛凌大河非不戀沙磧秋風卷蓬科避
寒心獨苦謀食意無他稻梁知正好雲羅當奈何

東海有貧士終歲一製衣遺榮諧夙好行歌無是非盛
服人所指不稱况貽譏迴視里中兒裘馬何輕肥

拜月曲
簾幙微寒春料峭銀釭斜背迷清照麝蘭半掩月昏黃
曲檻迴廊魂悄悄深閨寂寞夜何長姮娥泣露鳴風篁
妾啼妾怨應相惜裙帶微飄入洞房

湧泉寺廢井歌

銅瓶半墜凋青蒲土花漠漠寒泉枯黯慘遙連白玉砌
風箏無語簷牙孤老僧向我淚沾臆苦憶前朝神漢出
一時金帛積如山道元妙手張顛筆轉眼於今三百年
鴿王座暗琉璃失安得大雄疏地脈銀派珠源重可識
我聞但一笑休嗟神力遐瓦棺畱遺蹟曾吐青蓮花伊
國朝畿輔詩傳卷四十
五
昔有異僧咒鉢芬奇葩如何擲梵夾堆案空法華况復
化人無定止琳宮瓊戶猶駢指如潮如汐非舊觀卽色
卽空何自始再造還須象數功一勺曹溪亦爾耳我欲
從君更下石禪鐙夜靜波瀾死

感懷

四十年來事淒然暮雨中飛騰慙去鳥蕭瑟近衰翁敢
謂詩書誤差云篆刻工寥寥千載上此意竟誰同

歸人

歸人渺何處落日五湖東舊宅臨秋水頽垣隱竹叢聞
雲心自遠倦鳥意還同生計依場圃空餘半畝宮

北窗

一徑入花塢常窗午氣薰林深微漏日溪暑欲蒸雲劇
飲非吾事攤書多異聞苔痕與草色高臥更誰分

憶遠

臨歧曾握手一去竟忘歸白社誰前侶青山空落暉艱
難逢旅食辛苦著征衣猿鶴休輕怨相期定不違

雨後葺舍

風雨欺貧窶蕭蕭祗敝廬苔侵曾不改茅卷更何如痛
哭傷鄰婦羈棲愧老漁殷勤圻者意未忍獨安居

閉門

國朝畿輔詩傳

卷四十

六

閉門不羨鶴書煩魚鳥閒同萬物春小草曾嗤謝安石
大招無奈楚靈均江湖廊廟誰高下白髮黃金有故新
卻笑折腰彭澤宰歸來始號葛天民

偶成

迷陽卻曲欲何之樗散惟應大木宜不怨騷人傷左轉
也知莊叟羨支離黃塵碧海須臾事布韞青鞵指顧期
南燭可能常駐景爭教霜鬢一絲絲

小園漫興

賦憶蘭成百感生曩來蹤蹟總營營晚菘早韭尋常味
椎髻蓬頭自在行素業河邊惟半畝故人天上有雙旌

閉門幸謝塵中客二仲頻來犬不驚
有懷

隴坂迢遙隔暮烟邇來消息轉淒然一行作吏逢笳吹
萬里籌邊過酒泉可是鉛刀無一割不容馬腹競長鞭
歸來莫負山靈約松菊依然似往年

古意

海燕飛飛傍玉樓檀槽無語按涼州風塵遠道征夫淚
楊柳三春少婦愁門掩葳蕤還白晝夢驚屈戌總清秋
金微一去空回首爭似黃河入塞流

春宮怨

國朝畿輔詩傳

卷四十

七

春至啼鶯滿羊車幾日過青青芳草色偏傍玉階多

王鴻典

鴻典字慎齋雄縣人乾隆十七年舉人官湖北

鍾祥縣知縣有抱經堂集

趙州

驛樹蔥蘢野水渾歸然城闕壓荒村埋沙卒盡長平劫
吞炭人懷國土恩郭邑瑞符原可信石橋仙蹟不堪論
可憐車馬紛紜過誰向平原酌一尊

李湜

湜字懷芳天津人乾隆十七年舉人官河南闕

王 鄉縣知縣有海天書屋詩草

雨花堂盆菊

坐對黃花瘦新添白髮稠故園三徑廢老圃一枝秋有
骨存吾傲無言淡所求喜君偕吏隱吟賞酒頻筍

王繼耀

繼耀字鸞坡號澹山大興人乾隆十七年舉人
官贊皇縣訓導有不自收拾集二卷

達椿序先生少負不羈之才博極羣書歷游齊
豫江淮涉湖湘走黔中凡數千里性嚴正高氣
重義讀書無間寒暑詩根抵三唐出入
宋元諸大家以神韻勝不以刻畫爲工

送鄭方千歸里

國朝畿輔詩傳

卷四十

八

無計能畱汝秋風送棹歸黃花新別酒襟被舊征衣指
顧分南北行藏孰是非三年楊子渡曉夢又依依

問訊江東冢寒雲更幾村原田無舊主篁竹有新孫晚
步開榛莽春遊奠酒尊百年人子事含愧託諸昆

聞砧

響徹西風急深聞不轉心漸微知力輒斜月挂霜林

失題

狂笑楊花猶點硯腐啣螢火尙窺書那知老去無心甚
日看閒雲過綺疏

王 潤

潤字清源號鑑堂大興人乾隆十八年舉人官
湖南茶陵州知州

將至新舖

孤征日欲暮野色滿晴空古道行人少亂山殘葉紅投
林飛倦鳥驅犢認歸童晚景淒其意憑高一望中

舟泊青浪灘

十載馳驅地于今感舊遊亂山深嵌屋寒水滯行舟霜
鬢逢蕭索萍蹤任去留計程應不遠明發指乾州

紀淑曾

淑曾字衣孟號秋槎文安人晉子乾隆十八年

國朝畿輔詩傳

卷四十

九

舉人厯官湖南鹽法道有漢皋集

紀佩先府君行述府君乾隆癸酉舉賢書循例
講選筮仕湖北知縣授篆長陽山陬小邑人文
固陋爲創立書院延師講習己丑移天門縣時
征緬甸兵過境需用舟車捐俸給價不以累民
有營兵乘舟毆舟子斃竄匿戎伍中莫獲府君
曰殺人者死律難宥錄案申諸軍府詰得其人
置之法天門獄訟繁多積牘累年下車三月剖
斷無留訟隨州匪民聚衆思不逞總督吳公達
善檄調府君往薊州蒙未匝月匪民間風解散
潦水漲田廬漂沒於上林木林地形窪下際霖
逆賊嚴金龍案起株連脅從多人府君奉委鞫
勘所活千餘人丙申授漢陽府知府所部黃陂
縣有江西木商以毆斃人縣問成獄咨解到郡
府君核非眞犯密訪月餘匪人果得而商究獲
雪戊戌題任湖南辰沅永靖巡道改授鹽法長
寶道時府君方護篆湖北鹽道前任相沿鹽課
積虧四十萬兩有奇府君設法籌補將各陋規

停止積其存籟以償虧項攝臬司審慎庶獄片
楮隻字皆親寓目每當秋讞權其情實緩決無
輕出入攝藩篆革除一切繁費禁杜苞苴歲癸
卯情殷終養遂於是年夏奉大母北歸已酉卒
王昶序秋槎太守與余爲同年友漢皋集詩如
披蘭臺之風發明耳目而寧體便人也秋槎政
事之餘襟懷蕭曠江山助之
世有采楚風者必以是爲冠
紅豆樹館詩話秋槎觀察湖南王蓬心太守時
爲永州司馬時相酬倡漢皋集清遠蘊藉獨標
靈響蓋得瀟湘
雲水之氣爲多

雜詩

松柏自孤直桃李有本根發榮不自知零落怨春暄春
華苦易歇百年如朝昏豪傑一節奇河嶽萬古存此意
歸吾黨慷慨發高論少賤心民物晚貴憂子孫誰與挽
國朝畿輔詩傳 卷四十
十
頽波日夕江東奔
凡馬愧騏驥龍種難爲友惠養及駘駑彌慚主恩厚十
日行千里緩轡等馳走縮地旣虛誕凌風亦烏有塵沙
古道昏駁骨慨速朽

涉園雅集分韻得以字

雙槩撥寒烟攜家渡江水鄂渚得芳鄰官閣晴嵐裏涉
園風日佳綠萼破寒蕊遂枉謝公屐招邀二三子文酒
多故知詼諧皆妙理當窗松月八繞屋竹烟起所見非
故山卻令顏色喜豈矜達士懷心蹟澹如此相期扶雅
輪茲遊良有以

渡黃河登廣武山

挂帆風力滿，捩舵問重岡。峯影界天碧，河流簸日黃。濟川才恐拙，涉岫意難忘。獨有歸飛鳥，高高正北翔。

天池口

路問何年鑿，舟從此地回。浪傳三峽險，疑是五丁開。日色惟看午，山光不染苔。野人相愛甚，爭擁使君來。

再夜同牧原

急風催暝色，和雨到庭柯。寒近窗前蚤，愁如葉下多。田園催晚節，江水漲微波。相慰渾忘寐，孤鐙耿薜蘿。

寄軒雜詠

國朝畿輔詩傳

卷四十

十一

去年三月半，相送暮江亭。離思隨芳草，春波滿綠汀。鬢從今日白，門對數峯青。南北迢迢路，關心兩葉萍。曉起望洲渚，軒楹霽色來。江心村落見，山脊郡城開。暇日親書卷，畱人坐石苔。此間容嘯詠，真似隱蓬萊。

集洪學使雙桐書屋

春烟淡無蹟，孤幹覺青來。小閣寒雲閉，清尊靜夜開。江山能助客，放浪亦須才。衡宇嵐光接，乘閒日幾回。

沈沈更漏永，戀戀酒杯寬。鐙影亂春雨，梅花遲夜寒。登

龍心早折歌，郢和應難忽。憶清吟侶，謂顧牧原輕帆挂遠巒。

庚子秋姚雪門學使將赴都門贈別

帆影破湘烟春深古驛前西窗話遙夜南國喜涼天交
意淡如此客心愁黯然江頭花月夕強半是離筵
八月猶餘熱清尊昨日開江聲兼雨至嶽色隔城來虛
館穿花樹生香落酒杯阿誰歌水調惆悵鬢毛催

卽日

林邊新雨霽匝地綠陰稠一徑破空翠孤村抱亂流雞
聲槐巷午蟬噪柳塘秋風物明人眼爭如戀故邱

彝陵懷古

峽州山半赭峽水恨難平土帶秦時色江流漢代聲西
南畱險阨天地兆兵爭幸際重熙日登臨感亦生

國朝畿輔詩傳

卷四十

十三

石洞

古洞惟雲住和雲坐石茵崖崩深似厦松老臥如人采
藥峯相待編籬竹可因更憐秋色冷楓柏變山春

宿聽詩閣

白日荒荒夕涼颼故故侵官輕離別恨老重生心孤
樹得秋氣遠鴻沈夜音吟魂如病葉終夜攬空林

巴山峽泛舟

峽舟清曉望濛濛于役如教攬勝同竹壓波心雙槳綠
日升峯缺一帆紅雲間雜唱眞仙界崖腹蛇盤信鬼工
愛此一官山水窟買山無具賴天公

得兒女途次書

燈下開緘思不禁庭烟冪冪漏沈沈早添霜雪中年鬢
細數關河五夜心書到正逢深院雨詩成猶認綠窗吟
官齋兀坐憐孤影肺病何堪百感侵

再送牧原

大別山前春水長伯牙臺畔早梅香君今買櫂去沙渚
我亦迴車思故鄉江上離筵驚草草夢中白日過堂堂
鹿門烟樹春明月小立東風淚幾行

黃陂道中

憶昔征鞦繞翠岑黃塵影裏歲年深祇今白髮增新感
國朝畿輔詩傳

卷四十

三

忽對青山續舊吟久客鄉情生野圃夕陽人語出空林
何期村酒圍罍夜蓬蓽同諧物外心

送春限三字

何曾斗酒擘雙柑已見繁英點碧潭鏡裏有霜驚半百
花前如夢過重三夕陽詩思空庭得芳草愁心久客諧
猶憶隔江烟樹好清和天氣板橋南

和顧牧原舟中見寄原韻

青山白浪晚崢嶸愁指寒雲是去程天上星辰勞北望
舟中兒女倦西征夕陽鄖口帆初卸野岸椒盤歲又更
獨對庭梅思折贈夜窗風雪暗孤檠

相思三月託雙鱗相見還如鷗鳥親
回日鶯花爭勸客
去時魑魅喜窺人
灘聲帶雨來孤枕
草色和烟動遠津
攜手南樓重洗盞
喜君歸及餞餘春

一年聚散每多歧
皓首江湖詎可期
難得忘形到爾汝
不知涉世有猜疑
興闕欲就林烟宿
病減先於夜雨知
盡日憑欄人寂寂
藥罏茶竈詠新詩

晴川西望渺春波
卻喜移家野興多
近市山亭開甕酒
種花門巷繞梁歌
凍雲回首江頭別
芳歲驚心客裏過
漫擬忘機去沙渚
竹烟深處鳥聲和

送永餘菴入都卽用畱別原韻

國朝畿輔詩傳

卷四十

十四

送客江樓戀夕曛
鄉心離思兩殷殷
花飛南國過三月
家在西山近五雲
匹馬蘆溝天共遠
片帆夏口水平分
爲誰小泊沙頭櫂
一曲清歌酒半醺

興酣王宰畱眞蹟

王蓬心作江樓送別圖

粉本江山妙入神
萬頃

鷗波烟際舫一欄
花韻酒邊人斷雲
村落合殘雨淺夏
樓臺似晚春
著我圖中同載去
相思不用託文鱗

九日環翠亭贈王蓬心司馬

臥聞涼雨滴空階
霽後園林到處佳
紅葉數重隨屐轉
黃花三度與君偕
暫從鐙火虛窗下
寫出江湖倦客懷

蓬心爲子寫蘇橋卜築圖

他日相尋向沙渚
菰蒲千頃一茅齋

冬杪澧州旅舍書事兼寄荊州永蘊山漢陽顧牧
原時兩使君亦有襄郢之役

客程高與白雲齊
永夜猿聲雜曙雞
舊夢湖山樊口北
殘年風雪洞庭西
荒烟古戍稀人語
亂石新冰怯馬蹄
惆悵相思不相見
封書空自隔江題

季春慶兩峯廉使調任武昌贈別

官柳烟濃又可攀
故人容易阻江關
湖天漠漠雲輕散
塵海茫茫夢未閒
華髮青尊春岸舫
綠風紅旆夕陽山
天涯老病偏留滯
歲歲清湘照別顏

池光如鏡草如茵
曲榭修廊酒數巡
異地但同千里月
國朝畿輔詩傳

卷四十

五

小山空貯一闌春
栽花還自乘新雨
看竹偏教憶主人
江漢風流歸使節
更因旌蓋想前塵

九日嶽麓登高薄暮渡江卽事

嶺雲汀樹總宜秋
九日新晴作勝遊
亭倚山腰低萬壑
帆隨洲影翦雙流
澄江亂下漁人網
飛蓋遙迎水驛樓
詩境蒼涼殘醉裏
菊花天氣木蘭舟

寄軒卽事用王少林韻

江上人家柳罨汀
寒山繞郭暮烟青
闌前一片瀟湘色
落日秋心滿洞庭

多士宗

士宗字小山阜城人乾隆十八年拔貢生

紀的宿阜城懷多小山詩竟負登堂約懷人一
愴情此邦稱沃土之子獨高名病葉飄難定寒
禽噤不鳴蹉跎侶
陳阮惆悵玉溪生

零陵曉發

捨舟候明發不共鳧鷺夢行行曉色中山疊風林送頰
訝崖欲拆數避泉初湧落葉驚鳥飛古木老蛟動豈無
封狼儔戒我徒旅衆日上烟景伏頓覺天宇空升高望
孱顏江山幾錯綜夙懷名嶽遊不作窮途痛何人謝楚
趙吾道本豪縱靈仙如可企應試雲中鳳

江皋晚望

國朝畿輔詩傳

卷四十

六

綠漲蒼山根江郭晚烟紫風帆渺雲樹一抹斜陽裏幽
人藉碧苔晞髮臨秋水颯然柳陰濃坐看白雲起

畱別李潤蒼

性僻難諧俗交貧易見真汪倫猶送我王粲自依人幾
作牆東客還憐硯北身前期各珍重莫漫悵無鄰

寫意

瘦影一筇隨猶誇矍鑠時長貧破壁陣寡欲勝良醫懷
古頻搔首行吟幾斷髭旁人啜落魄得意寸心知

江村晚泊

修竹連江色人家翠靄間林疏斜漏月霧重遠沈山長

鍊三年客扁舟萬里還波聲送離思一枕急潺湲

張湘

湘字楚山號礎珊天津人乾隆十九年進士官
江西餘干縣知縣改教授有大雅堂詩集

津門詩鈔公少負雋
姿有文名書法最工

題唐虎臣山居買卜圖

毘陵唐子天下才讀書萬卷天人該獨棹一楫橫江來
壯心欲上黃金臺秋風蕭瑟芙蓉老功名偃蹇同秋草
不如歸去舊湖山結葦編茅屋數椽蔭以修竹環流泉
聊寄嘯傲於其間也同君平學下簾得錢買酒恣一酣
國朝畿輔詩傳卷四十
七
泉水解燥吻竹風吹醉顏灑然骨節鳴珊珊吁嗟乎山
居之樂樂如此人生何必更羨蓬壺仙

銅硯歌

有序

易州農人耕田獲古錢盈釜石硯一背飾以銅
石佳而製古不知何代物也友人吳念湖進士
購得之余爲作是歌

鍊銅裏硯古無聞龍尾鳳喙名紛紛茲石埋藏幾千春
一朝拂拭標清新中有五銖同見瘞蒼茫不解當年意
文貝都作蝴蝶飛土花半蝕蟾蜍輝野人相顧識不得
延陵公子攜持歸歸來傳玩歎希有試取松烟盪磨久

霜毫濡染墨淋漓夜夜虹光寒射斗錦襲玉裝傳不朽
我聞叩門乞一見端溪雪浪鋪寒練九原古氣鬱氤氳
紫石青銅相吐吞有如蚌珠璞玉分胚渾石之潤兮粟
而溫光陸離兮燦星辰摩挲令我驚心魂先生寶之壽
子孫

早行張灣道中

羸騎凌晨發遙山吐月新平沙寒似雪遠塔立如人薄
俸悲遊子高堂念老親蕭條從此別萬里一孤臣

將赴新城學舍高琅村吳念湖兩進士同社諸子

醪飲賦詩爲余作餞卽席得句

國朝畿輔詩傳

卷四十

六

莫唱驪歌折柳枝此中心緒倩誰知情關舊雨添愁恨
人到中年惜別離總爲飢驅甘作客敢辭薄俸患爲師
一竿遲我西沽上他日重來理釣絲

題思源莊

重築金吾舊日莊紅菱白芡護山堂丁寧河上銜泥燕
還向烏衣覓畫梁

暮捲珠簾暑氣收臨河亭子坐來幽照人一片空明水
風滿垂楊月滿樓

戈源

源字仙舟獻縣人壽弟乾隆十九年進士官至

太僕寺卿

紀昀傳公少奇慧年十六舉於鄉越歲甲戌成進士在戶部屢居異等改御史轉給事中多所建白擢太僕寺少卿督學山西致仕卒年六十三公有經世志督理街道不動聲色能使豪強侵占無所容而胥吏不能舞弊取一錢官學使卷必親閱逐句評駁如塾師每蒞一官必舉其職不喜聲氣攀援與物寡合予與

李燧晉游日記葛處士培初沁州人年七十隱於詩仙舟學使物色之甲寅冬應童子試領冠軍

和李青墅贈葛培初韻

憶會叱馭訪衡門茗椀香烟笑語溫士氣故從吾輩作

詩名原竝使臣尊相知敢詡傳心法晚遇翻愁惹淚痕

國朝畿輔詩傳 卷四十 尤

好記青霄蜚羽日望雲有客詠騰騫

寶堡

廢壘猶傳建德名當時虎踞亦縱橫祇緣天際飛龍出

遂罷中原逐鹿爭據土漫云同魏鄭論功原恥竝韓彭

蒼茫河朔稱雄地極目烟墟蔓草生

查善長

善長字樹初號鐵雲天津人爲仁子乾隆十九

年進士官刑科給事中

雨晴登環水樓卽景

夜雨酣如夢愴愴到五更曉來登水閣涼意滿秋城茶

葉同人瘦葦花生遠情癡雲飛不動角角學山行

青縣道上

閱盡高低路霜痕復草痕
寒烟平似水叢樹遠疑村野
店無多席荒庵總閉門
殘陽衰柳外指點成樓存

國朝畿輔詩傳

卷四十

子

國朝畿輔詩傳卷四十

終

國朝畿輔詩傳卷四十一

長洲陶 樛冕薊輯 寶坻高繼珩寄泉校

朱筠

筠字美叔號竹君一號笥河大興人乾隆十九年進士官翰林院侍讀學士改編修有笥河詩

集二十卷

朱珪竹君先生墓志公生而神慧十三通五經學為文十五文成斐然癸酉舉於鄉甲戌成進士改庶吉士丁丑散館授編修辛巳充會試同考官甲申丁先大夫憂丙戌服闋明年授贊善戊子御試二等授翰林院侍讀學士旋充日講起居注官戊子科鄉試同考官己丑科會試同考官庚寅奉命為福建鄉試正考官辛卯會試同考官

國朝畿輔詩傳卷四十一

一

得士多著名公益卓然以韓歐蘇自任振起古學獎藉寒畯有一善者譽之如不及天下之士翁然稱之曰竹君先生是秋視學安徽乃教士曰讀書不可不識字為刻舊本說文解字揭以四端曰部分字體音聲訓詁又曰稽古莫如金石文可證經史之偽所在披剔榛蕪至於千種時詔求遺書公奏言翰林院庫貯明永樂大典中多逸書宜加採錄上覽奏命纂輯四庫全書得之大典中者五百餘部皆世所不傳次第刊布海內實公發之也又請徵漢唐故事擇儒臣校正十三經文字勒石大學堂壇以文襄公敏中掌院為總裁于公直軍機凡館書稿本披覈辨析苦往復之煩意欲公就見而質而公執翰林故事總裁纂修相見于館所無往見禮說不肯往相見持論侃侃不稍下公既久次望益重則言翰林以立品讀書為職終歲足不至達官門聚書至數萬卷來請益者不拒史古著錄窮日夜不倦古文以鄭孔經義遷固一家書為質觀縷鉅細事辨時地真氣勃出成一

朱

言賦則陽張陰關馬揚以下不道也詩初學昌
谷昌黎五言力逼漢魏旣而導匪百家變化創
闢神明獨得書法一本六書自然勁嫻蓋公之
學與年進海涵嶽壘不足喻其所蘊也四十四
年督學福建一以經學六書倡口講指畫示以
鄉方閩清生爲攝令某鍛鍊殺人公發其覆大
吏雪之扶持士氣行義若渴重倫節勸懲有加
馮暇則搜奇廣洞編著手蹟于黃山再登其巔
觀雲海於閩之武夷岩前玉華諸名勝皆躋探
峻幽從者紉焉卒年五十有三所著古文數百
篇古今詩數千首他文

稱是皆可必傳於後
隨園詩話朱竹君學士督學皖江任滿余問所
得人才公手書姓名分爲兩種樸學數人才華
數人嘗云詩以道性情性情厚者詩淺而意深
性情薄者詞深而意淺分校得老名士程魚門
京師傳爲佳話沒後中翰墳哭以詩云丹旄
書銘前學士青山送葬老門生從今前輩無人
哭拚與先生淚盡傾又哭竹君學士詩古人今
不作古道竟非宜聽說文星陸空增吾黨悲持

國朝畿輔詩傳 卷四十一 二

身盧子幹好客鄭當時奇字三蒼纂窮經六籍
披請開書四庫漸白鬢千絲學博天能鑿心清
水共知龍門今逝矣襄土學何
蒲褐山房詩話竹君昆仲早登高第並著才名
而君爲白眉兼綜經史精求古義家積書數萬
卷金石碑版亦數千通尤喜汲引人才輜軒所
至必拔諸生之雋異授業門下家居問字者滿
堂滿室君豐頤秀目伉儷鏗鏘常以李元禮范
孟博自况公卿中惟劉文正公愛其學業稱爲
小友其他貴人招之弗往爲安徽學政時奏請
將承樂大典中間實自君發之鈔錄于求
天下遺書四庫館之闕實自君發之鈔錄于求
襄公選用翰詹科道及中書部曹諸臣先後至
數百人君雖列名其間實未嘗有所討論也年
僅五十病暑而卒平日文稿皆以草書書之且
塗乙十有七八子弟不能辨
別故取其明晰者刻成四卷
黃景仁上朱笥河先生詩先生卓然坐虎皮旁
羅賓從皆瑰奇珠光劍氣紛陸離貢之玉堂當

國朝畿輔詩傳

卷四十一

三

世希如余卷曲樗散資不可無一聊備遺公言
 我欲拂拭之金沙同治吾能治退而喜也心然
 疑指陶兀兀前致詞嗟哉小子幼苦饑典書易
 米共衰慈草間咄咄哦惡詩自為其知曾無師
 公名束髮心已知三千里外無見期義與兩龔
 語我私言公相士無成規掃門求見君無遲我
 時唯唯神魂馳聚米不遂徒嗟嗚嗚求食江
 之涓頭如蓬葆衣塵縈日面壁愁孤羈忽聞
 公至樂不支徑爾投刺趨階墀不用溫簡揖路
 歧豁然霽色雲霧披意氣漫翻山可移誘我力
 學言如飴感激真乃零涕淚賓朋暇日羅盤厄
 齋頭酒過梁果垂志情略分兼娛嬉公也環顧
 掀髯髯不惜百妍間一媼於時歲景窮晦幽寒
 灰忽爾逢春熙恩遇已極心轉危一身塊然百
 不宜兩手只解霜螯持漂零落魄志業隳漸恐
 化雨難為施他年荆榛謝乃敢終其辭假如公
 兒雖然一事願脫錐長謝乃敢終其辭假如公
 有烟霞思此必弟子相追隨前驅須後腐麋
 攜囊入雲采苓芝剝刷幽怪窮險巖公巨筆
 揮淋漓此則不敢多讓誰公間此言顧我嘻小

子狂矣言無稽言雖無稽心不欺春葵只有傾
 陽枝作詩呈公公解頤謂我詩筆猶可為十年

編吐氣今其時
 吟苦霜鬢絲一

紅豆樹館詩話笥河學士閱通博覽名滿海內
 初為諸城劉文正公所知名為奇士蘭泉司寇
 與公為同年友官京師齊名人稱為北朱南王
 督學安徽洪稚存黃仲則諸君皆延居幕中而
 陸副憲錫熊程太史晉芳任侍御大椿又公分
 校所取士也公之學經時緯史包孕萬有金石
 小學九所專力嘗謂今經學者無師法不明文
 字所本所由生其狎見甚至點畫淆亂音訓混
 夢何以通先聖之經而言其義乃出宋版說文
 解字刊布以詔後學今所傳朱氏說文定本視
 毛斧季所刻尤為精密自序一篇斷斷辨證意
 在尊經復古不為稱叔重功臣也當校刊說文
 時命門生某司其事某重違先生意多所乾沒
 不及即有過輒掩覆之天性然也官翰林恥干
 謁與金壇干文襄意迕一日見

公襄默不得發而公名益起一時奇才異能之士趨風景附若斗之有杓公毅然以文章風義為已任闕椒花吟舫與容譙游覃研文史坐是以積勞卒未得展其所蘊姚姬傳太史稱其慷慨論事摩厲講學不第欲為文士誠篤論矣詩集刊于嘉慶癸亥皆石君相國手為譬訂跋中稱其排界生創龍翔友羅雖恢奇萬狀而無一字一韻不歸於妥帖然先生文章志在起衰才力所及卷軸佐之宜使縫幽鑿險別闕畦町斷不稍蹈康莊致流平易學者昧其源委或以鈎章棘句相誚則沒作者苦心矣茲卷所摘皆精金美玉具存先生本來面目又古體多于近體微寓別裁焉

送程二魚門歸淮上

歧路知痛哭况同失路人深宵衣錦繡誰辨偽與真程

君此下第古抱下氏珍已衛履下足何恤頭上巾六星

國朝畿輔詩傳 卷四十一 四

芒正射奎瀆方通津如何兩神劍天阨無由伸千莫必

騰上磨蝕以風塵輪囷龍虎氣鬱迫芬芳紉

子兮歌慷慨蕭蕭易水去我豈高漸離擊筑胡此住一

聞知己言涕落如繁絮夜光必按劔明月未投曙章甫

對越人欲悔翻知悟况今急歸颿六轡無改御所惜新

相知道遠日將暮揮手南北雲神物會有處

送秋涇夫子南歸

蘇君化神鶴竭來一游嬉本不謀稻梁彈者亦何為夫

子盛文章下第將南歸我貴物乃棄得失豈所疑翻驚

臨乖淚欲灑清潞西鄭公慕季長趙子辭昌黎離師當

不反獨立恐路岐

文章溯向雄本大末始暢流傳到後來剽賊真氣喪如
綴敝錦衣刻意謀共張夫子不好名惡文以綱尚每於
數千年剖別指南向峨峨韓與柳六經作家釀宋興盛
四氏流徵和高唱南渡龍川別北京弇州放太僕山之
砥叔子川以障此豈比雕蟲與道伯仲行教之窮根源
敢不欽所養

劍亭以詩聞長安屢試春官十年不第近見其偶
然作數首辭旣和平然過于慟哭矣余謂古人

不憂其不達而憂其言之不立劍亭苟得其大

國朝畿輔詩傳

卷四十一

五

者何憂乎作詩致之

與君六載交愛爾冰雪辭豈無韋與王隔世空相思天
風蕩百川廣奏子自媵嗟我雖有耳不聽安聞知古人
道相貽今人言相期昨日一書札上爲我友詩讀之逾
萬過其言和且夷似夢羅浮山覺來魂魄疑美人無處
所此意忘何時

蘭草雖共芳歲暮傷其晚每言王者香淚落不可反君
本神仙姿一國傾婉婉誰令鮫人珠十年泣湘沅高堂
盛綺羅鼓缶方擊宛請爲奏清琴再彈忽碎阮長歌一
回首繞梁聲正遠古人竟若何往往善偃蹇誰欺知我

者持此寄繾綣

北風聲已厲日月與歲徂眎彼庭樹柯未忍同榮枯古
人精消亡其理在詩書誰爲後來者胡不稍勤劬立言
貴大端文章雖其餘願託蠹書蟬飲食固所娛浩浩百
年盡好名誠爲愚金石不可化與子思其居行矣各勉
力安能勞奔車

壬申除夜獨坐感懷諸兄弟各言其所遇爲詩四

首

暢月伯兄歸忽復東南征其道出山左紆曲濟水行不
憚車馬勞急此親愛情三年不相見離別弟與兄屈指
國朝畿輔詩傳卷四十一
六
下浣餘此日歡會并歲除一杯酒馬首驅王正官行豈
可待努力相醉傾故鄉雖千里同看參西橫

仲君尹赤縣一歲去鄉國感兄天性多歲晚思何極前
日寄我詩淋漓動楮墨兄兮遠行役屺岵想登陟古人
插茱萸節候尙心惻况當改歲間日車不可勒非畏赴
壑蛇頗憂蠹苗騰相見日老大恐非故顏色立名在盛
年安能徒飲食何時歸連牀蕭瑟聽亦得

春風動長安歲歲變腐草我有弟石君相顧真可寶家
祀獻且徹言笑莫不好徘徊子就寢明日趨朝早我時
獨坐久爆竹傾耳倒起翻右軍書戒薄厚用保欲舉策

數馬彷彿萬石老感彼長者言竊恐未聞道古人相儆
勸豈以富貴禱讀書垂不朽庶幾光祖考來歲已若奔
去歲忽若掃與弟夙昔志從今相論詩

人離欲曙星歲去凌風羽守歲與懷人兩念難一主伯
仲暫相合叔季久爲伍念當臘欲畢千里同肺腑我胡
獨擁壚苦吟勞覩縷自作金石聲豈顧雷電取逐貧與
送窮頗笑雄與愈戶外自有耳何必怨鐘鼓請爲兄弟
謠以當骨肉聚

送張方海

方海來我家闖入坐中庸眉目生鋒鋷奇氣怒未鬪幡
國朝畿輔詩傳

卷四十一

七

然開口談雲夢吞其脰我時出相見束髮年過幼執手
日月逃塵記述所邁先生於越人生小山水竇江空慣
見潮石怪生聞吼獨身上禹穴窆石辨理腴下飲伯陽
井丹入水可壽最奇美女山俛首曹江溜夜中登其髻
星月倒景透自喜一試身清妙絕人靚歸來讀書處王
謝親食宿四明萬松濤忽送吟哦奏回觀絕壁上危巢
挂螺祝墮蜜化小鱗奇味理不究淫雨累匝月咫尺絕
糧糗山笥獨掘煮往往恥饋餽以此爲文章元氣自婚
媾衆人不解字俗書昧古籀豈惟口不理狂走閉門詢
北征到恒嶽元洞無底漏抽身欲下探從游駭相救皆

言試雞犬直下失骨肉羽毛上飛飛恐有妖物守先生
笑而答此是陽氣簇吸實吹其虛至道安得謬十月履
桑乾冰孔失足蹂中流出自穴河伯不敢寇遂升老龍
背更哭仙人柩讀其游趙詩百篇盡奇秀感爾白鳳肺
息子朱鳥囀用結仝異交再鳴韓孟後患不如古人詩
書相耕耨幾會潞河東屢別渠水右吁嗟同下第三北
今忽又展禽悼子黜李邵愧我售在古之立言得失固
所陋朔風正感發來告江南走倂俚友之思能不驚別
袖十年淹北土浙水喜可就何必富貴歸故鄉真錦書
况今佐使者南國靈所聳照海瓊瓊出求林鷓鷯覲才
國朝畿輔詩傳 卷四十一 八

比霹靂琴不取野火類學如夷則鏡沈蕤失其舊致博
根以大咸虛鑑不繆贈子當自愛羲娥會有候

癸酉九月伯思下第將之湖北從父紫瀾先生學
使者之役也作詩以贈其行

左史著檇杙文章美南楚原本墳索上議論春秋伍其
書失流傳餘波屈宋怒九疑下九江虞夏親仰俯湘竹
泣娥英禹字刻岫嶁子今行其地獨身到三古古人所
爲文往往天地取每於清明中奇氣自弼輔山河勢中
絕千里復其祖蘋藻富江漢子其爲筐筥

送子車遙遙感我思漫漫欲尋荆山道痛哭青琅玕嗟

我三獻初再別始一觀子胡怨湘中淚落珠沈瀾北海
雙鯤魚一別天池南去我六月息望子萬里搏天風正
飄飄欲往不可攀歸來十二峰爲賦神女鬢

送葉同年丹穎歸湖州用淵明擬古韻

執手送行人各攀大道柳非畏徑途長但苦別時久平
生感乖離未敢易云友天風忽飄飄難盡一尊酒雙龍
東西飛竊恐遂相負何況新相知此意各在厚轉蓬與
神劍變化亦何有

古人不相見隔我如鴻荒讀書勤兀兀去日歡堂堂放
意學神仙此道誠渺茫文章千秋中反覆同疆場一戰
國朝畿輔詩傳卷四十一
九
功不成宿草埋山邱每懷杞人憂涕泗空激昂得子真
可語倏忽天一方榮枯等蠻觸何用兒女傷

粲粲黃金橘嘉樹名在茲玉盤會有託見食各有時世
無堅白辨徒嗟磷與緇所求何皇皇猶豫而狐疑感君
絕代下汗漫工文辭如何長卿賦未發凌雲思靈鶴厲
清吭懼爲媒者欺豈無不平鳴有道或所嗤芻蕘亦有
言自耐惟書詩

同心臭如蘭菅蒯尙可采飛光更相送讀書再不改野
馬與濫觴可以致山海浩浩遠別離相見倏相待努力
多聞知贈子以無悔

驅車上西嶺日午稅墓田村犬怪客至長吠當柴關排
戶解襍被出觀溪流間潺潺下瀨急過石微翻瀾岸上
柳葉脫向晚生空烟四圍來山風始覺衣裘單日引一
壺酒以禦今夕寒

朝旭升團團遠山動金碧溪清踏沙行游魚隨人躋越
溪度田中已綠明年麥訪古試摩挲往代有碣石想當
豪貴初歸骨猶烜赫松楸一以伐子孫僅餘宅公侯與
畎畝相代何足惜不聞古達人歡飲墓田卽望雲而臨
水慙歎此役役溪聲莫相送山中留亦得

國朝畿輔詩傳

卷四十一

十

玉帶橋

橋名從何人學士留玉帶當時老蘇公此處數停蓋一
朝款老元千偈風翻貝機鋒戰則勁中交鼓動楡曰我
師攻師斷可功成蔡長老笑而答此坐讓何害我難公
卽解老僧棒喫大公慎勿擬議擬議玉帶丐公笑首肯
之獅吼出狼狽公擬議未發帶送已無奈髯乎真澗略
此髯亦狡獪永永鎮山門到今傳未艾寺火失四片補
缺煩會粹珍之供佛前包裹錦綵寶護不發示我乎
捫其外此橋識所由橫石琅以磴俯窺空洞穿激邊自
洗汰流水作玉聲貪驪下噴瀨

南臯店

平川潦忽乾古柳挂微葉行行南臯店初日好温厲荒
祠渺何處仙人去已捷浮游薊趙間二百年過轍一朝
騎鯉來撥刺金赤鬣坐祠萬人觀入涿水不涉遺蹟訛
曰臯靈名蠢尙讐朔風凋我顏髮白恐難鑷人生朱塵
中不化行相接長年悲有涯吾生詎易攝感茲仙人往
思欲翅雙挾自笑何不達兩曜亦轉睫吾行適吾天無
爲喜見獵

白溝河

巨馬出洚山下與督亢交湯湯新城南白溝界宋遼嘉

國朝畿輔詩傳

卷四十一

十一

祐漁禁捕慶厯柳拔條辛苦熙寧後方田限馬驕安撫
王公臨謀之亦已勞國感真可憐水保嗟無聊于今畿
輔地過客杭一舸沙莽夜無人隱約古斷橋想當歲賂
日多壘當如毛往復與平陂地險空嘈嘈無爲浪弔古
去卽舟子招

別太平諸生送者

滑滑泥何深諸生揖輿下我得以得士來士得何爲謝來
此不四月會見亦以乍重感諸生意道遠送復迓告爾
讀注疏努力大車駕行行毋欲速此不得他借文字音
與訓牙輻各有舍一一致其用如御者得靶識字以通

經要如水銀瀉從之人可由初櫬後乃蔗
諸生勿送送僕本多情身三宿桑尚戀何況冬徂春一
上李白樓再款謝眺鄰未嘗攜險句徑欲捫星辰惟有
一片心欲令士氣伸學者當共勉相與成古人生理在
根柢異文必駟麟鴛飛與樹花莫盜春光新此言未爲
迂求實非其賓重來絳幕語葆爾聰明眞

繞橋山行去遊石龍以上

一夕留山中攝衣走亦靜肩輿之石龍出寺峰爭迎蜿
蜒平岡眺一石圓且正是日舟之橋山浮名所命頗聞
夾槍石高巖往斷徑此復繚其側下作水聲聽雙塔亦
國朝畿輔詩傳卷四十一
士
已傾橋倒帆不正浮生何以渡悲色感禪定夷游不欲
上屢顧敗乘輿前頭石龍路搖舌呼會勝

宿二老莊卽事

散步沿積沙清溪伏其下松風一襲人翠綠與天灑相
攜坐樹根無人自成野月上南岡行空光若流瀉
築場秋老空土墜白于霜丈尺度小亭此間可平望曲
水繞其足重樹翳山梁寒慄留不能冷冷夕風涼
夜久談轉清四窗忽以寂爛漫勞者睡靜聽始厯厯樹
聲空外過疑與流波激相顧忻素心此意他時覓

十月十八日同遊釣魚臺圖學士園亭歸而有作

和覃溪前輩韻

看山何必近淡乃轉勝濃扣泥堆長坡上有行人蹤一
水明於鏡斜浸天西峰吾徒五六人散手不杖筇東南
古釣臺掩映神仙窟茲遊初冬後微暖妍景供卽從園
中飯飽我霜地菘

風遲一夕過木葉留殘黃秋雨多壓塵及此可愛光主
人矜野菜至味新宜嘗液飲受霜甘色沃帶土香馳驅
赴郊約不憚向朔涼壺盃旣以聚稅馬在鹿場樂哉同
心語呼酒一再行固知淡成者非必言其傷

頻頻此園過數四豈一再樓傾斗室成寂坐更無礙卻
國朝畿輔詩傳

卷四十一

三

立中央軒兩坡一泓對夕明冰地月曉鏡春山黛今茲
冬未寒波鳥聲偶碎撥刺三尺鱗伏影流泉內適從無
心遊村間所怪吹此間趣日成且喜田歲漑先生百事
辦取足咬根菜

古詩贈溫步容

文章妙手成無定亦有式淺者求其虛深者求其實江
河出濫觴源微流有力洵川在首受博取看混混及其
放乎海一呼通衆息滉瀆風偶渙文生不自匿良木之
始芽條理蘊柔色縱橫怪變態千曲成一直試尋旋轉
紋髮髮分界域製之爲棟楹榮枯各適職我豈工罕喻

子才比孫織七襄何時成舒彼駕鸞翼

送彭蘭階同年

吳禮

之官益武

相見古寺冬相別斜街夏會合如浮萍飛景安可把君
年五十多我年五十寡俯仰同歲初繫日嗟若若子情
甚醇至子貌特古雅去作親民官神真蹟乃假况我幸
厚子裏言爲子瀉淺深難獲上甘苦易及下省肥縣則
瘦不角故易捨彭澤與步兵就之詎遭罵長風起邊塞
弔古抱自寫書生善迂濶摩挲碑側野請爲一一搜史
闕賴補苴拓成函寄我諄囑臨歧馬

送錢獻之

國朝畿輔詩傳

卷四十一

十四

秦川匹馬風蕭瑟秋欲老十里五里碑古苔沒官道漠
隸半蝕裂唐筆恣搜討昭陵陪葬人朽骨那堪攷子懷
下第悲去踏墟墓草剗剔昔戰烈振觸新潦倒阮也慟
何遲陸兮笑或早且續文字記傳之永爲寶

吾生泊與淡腸每爲人熱絕學誰寶之難成乃易裂高

松吾故人

謂東原

劈斧或一折不惜失聲號莫留曠代哲

子兮旣挺生齊輩推爾傑材大用則非名場失詎劣珍
重九經文造化補斷缺可語可道古忍子清淚別

芭蕉綠吾桷梧桐青吾椽可堪所愛重千里行三年與
子爲古交金斷而璞完何以臨歧淚心涌如丹鉛古路

荒以蕪二千年不芟並坐鄭許君招招在雲端鳥蹟人
莫讀龍文子其肩形雖隔郡縣心定同說研何用寄臭
味玉井峰頭蓮

送金振之

秋清水間山子歸讀書處不獨白嶽雲繚繞如飛絮我
有山水情子獨飽而飢子去何悠悠我思昏達曙亦知
經年合離愁難爲怨紅葉滿江南竊有消魂慮

送馮庶常敏昌

子家南海偏宅近交陟樹天香通骨理不獨華比附八
年來京國唐寺一弟寓讀書坐行行聲和枯僧屢肆罵
國朝畿輔詩傳

卷四十一

五

工古調秦漢氣沫响下筆爲長句爛爛豹隱霧贈客羅
浮遊惆悵古仙遇遠遊賴良朋唱和真赤赴温生比梅
花昨去子此住瀛洲亭若冰歸思水南注今年官信美
慰藉久客趣父母啼形雲子留亦所懼矧子抱至惘行
役尙慎賦羣公勞勸挽口血歎如雨子孝不可留子衷
疆自裕力學無道遠情芳有本務六藝根柢成萬里飢
渴足情在莫改辛日近尙懷煦近子時相憶素心行復

聚

德州道中用程篁墩韻

昨宵故鄉塵吹我山東去夢中渾不知似有戀戀處覺

來憶所親淚溢忽難禦浮生譬天雲聚散豈有據四方
方未已努力叱我御回首西山客相送別胡遽道旁迎
新人齊風歌堂宁越陌懷同聲相遠日以懼凌晨發苦
早遠色送遙樹蒸蒸土外霞鬱鬱烟中樹我行去千里
念之少歡趣何如椒花下圍飲共題句

公岳生家古藤歌

古藤輪囷種者誰我年十四初來窺長繩三千擊蜿蜓
大幽十萬逃魍魎根成生鐵天所治弱金強火百鬼鍾
青陽起張綠羅網喝夏能滅幽州曠當時共工流竄死
身化老樹尤離奇更聞元冥僂神龜棄殼北海留其屍
國朝畿輔詩傳

卷四十一

共

萬年偉怪作異狀必有精氣通靈祇我來百巾繞藤上
如踏平地誰愁熾祇今攀援更八載豈有榮落分盈虧
時乘木火更禪代顏色灼爍芙蓉披連株華發文魄礪
金鴉雙搏赤駿驥紫衣朱冠踞當道池魚涌涌朝蜃蛇
投身疑入然邱國火齊丹璫堆陸離倏忽頰鱗青碧尾
有首不見空多衫神潛鬼躍千個強誰披其葉尋根基
花前翻落金蛺蝶黃雲通體元裳綦巢居太常上阿閣
羽翼雷電除壇壝飛精合覘相授受已見呼吸來追隨
定知奇產有天運軒皇炎帝招旌旗此藤異世必騰上
是何頭角行鬢鬢

送劉三庶常映榆

劉侯氣宇懸河淙腰腹強大身降肱朝來入門發雄辨
往往移晷燒明缸憶初相見意苦劇傾耳未接頰愁吮
聆君三日盡磊落不比游說聊空腔願與君交誓伯仲
篋墳更迭敲榻控平生相知季弟最生小結契同襟襟
知君衷素見肝膽足音爲我千回楚往秋相邀列高會
坐中名輩皆洪龐當筵獨起意豪快先醉肯謝長頸缸
衆賓傳呼催連飲罄腹欲吸洪流潑我時與君兩犄角
羽旌列壘金鼓撓方驚口鋒遭勅敵已似儒將交天鏑
須臾爭持蚌與鷓豈辨並逐誰生降酒酣每每說文柄
國朝畿輔詩傳

卷四十一

七

議論所取在擊撞大雅忽然喪劫火兩漢六代齊奔瀧
唐賢中興韓與杜如觀秦楚揮幃幢宋元才力更洪忍
縱有突兀非崆峒况今商羽正嘹亂迷津誰問仙源艘
禮沿樂襲成口實坐見高髻來尺鬚粵蜀豈殊雪與日
少見多怪真猶龙君其努力作底柱獨當九道黃河濤
媿我才短腕無力尙能橫刃斬樞樞文章氣數豈小節
貴以其道光家邦豈知人生事翻覆快意忽感悲來雙
長衢前日學馳騁上馬若踞牀前杠不信南人慣騎技
中華強戲都盧撞東野御美頓失手六轡那馴龍性驩
翻然一落勢千丈孤鳳翅折南州麗經旬相視臥深室

扶持未穩艱路躓甫今強起可酬酢旋搖歸槩浮吳舡
溫風行吹麥秋熟郊原蔓地黍與豈淮南此去水鄉接
正擬天塹方大江金陵玉壘入顧盼仙鬪女珮凌飛縱
况君宦遊闕問省君子于役尙信在室人久傾新蟋蟀
歸心好趁高張夔病體初勝就長道淹滯未用心勞懣
金閨吳會縱修阻屈指匝月返故窗行款簪珥寄戲素
與子健筆千里扛我言委婉到瑣碎楮墨汎瀾真多春
臨乖作詩贈吾子夜更四點聞逢逢

酬萬樵坡利孫子鏡作和石君韻

漢人古鏡萬公得千年照曜開星辰石君驚奇喜到眼
國朝畿輔詩傳

卷四十一

六

長篇迭和誇識真上陳赤龍戰天下赤手捧出朱天輪
遂奪金鏡捫五內狎狎帖服心膽親中言仙臣與仙帝
掀弄一匣通八夤曾孫挂肘天告福百鬼不敢藏精神
下篇胡遺菱花七白燕赤鳳交婚姻寒光倒吞守官脫
飛鳳忽化雙奔鶉殿前四尺質未改模糊不比明如秦
吁嗟三十六宮圮龍球失盡留單麟至今鏡背認古篆
欲利孫子振如鱗吾聞三代尙彝器匱銘壺刻齊斑璘
一物亦思百世守德澤久遠惟其身况茲先王照吉凶
典則未肯蕪荒塵漢家絕古卽咫尺古器隔世空感輦
其時制作近忠厚圖畫靈怪戒喜真生淮臨昭在祕府

死與魂魄長窈窕如珠利蟻玉利璞上輝下潤同山津
公操何術得搆此頗疑夢寐間韶鈞豈從軒轅剖委宛
字垂金薤書玉筠日精月英會兩合持照天地光無垠
我筆苦無萬丈燄白晝爝火黃昏燐閣筆欲和遲七月
九秋儻忽逃三春公詩物博理且大強以木鐸敲金罇
叱成金魄此夕望定知公屋光投窺今秋雨淫疫鬼厲
借我明月來驅馴

岫嶠碑歌寄劉孝廉

岫嶠山碑趙生詩劉君議駁頗可疑明珠蚌持五色鷄
我欲先發漁人機禹導九江過三澁衡山南濱親鐫碑
國朝畿輔詩傳

卷四十一

五

山高四千一十丈七十二字神鬼詞碑言聖人役鳥獸
疏水哀土勞形知華嵩泰衡嶽麓宿衣食天下承帝咨
文雄夏貢典則重况有手蹟千鈞重金簡玉牒舊點畫
蛟蛇入腕塗改奇山深物靈天府秘絕頂欲到雲霞迷
又傳廬山飛瀑布倒挂萬仞寒玻璃大禹刻石紀丈尺
此事荒僻尤淋漓乃知精氣能變滅斗牛龍劍旋蛟螭
秦人尙識倉頡面後死夜鬼偏揮錘天子八龍走神篆
斯翁歎絕今何之我輩百代更矇眊忽失雙杖行何持
嘉定樵者教何致盜天竟奪山隱居一榻坐看四海鎮
九鼎突兀囚魍魎頃刻名山盡刊布新刷耳目沁肝脾

豈直生鸞活鳳豔龍死筋骨枯成堆百蟲千鳥狀聒啮
頭鳴舌止千秋期古人器不貴求舊摩挲肯釋齒周彝
如此寶文真舒錦孰忍二子尋癩疵三王立言考法式
百川自障非誇辭昌言可例益稷訓決吠濬滄臯陶師
若疑百載有拓本遷固豈發汲冢屍天留神物待後起
子函元美非余欺韓公老淚恨不盡正直神感猿猱啗
嗟余好古淚無所衡山雲密無開時空翻雕龍侈本末
欲呵蒼昊搜根基安得直上岫嶠峰手捫古石琅玕姿

題宋高宗渡江圖

粘沒夜入天長軍內侍驚告王師分獨騎被甲發行在
國朝畿輔詩傳

卷四十一

三

直走瓜步江汾云天子出奔法垂鑒誰歟畫者真殷勤
當時二帝盡北狩有讐不戴高天雲梁童伏辜彥善相
亂人左右王所欣次於東平望急難自取航海逃妖氛
李綱趙鼎遠安置無乃逐臭愁芳格天一德授奸佐
金牌十二灰奇勲大書誓表醜天地四海塞耳豈可聞
區區二豎不能制中興之業何足云不知何人好異說
共傳土馬馱神君藝祖子孫王構在天道剝落當繁殷
或者時危託符讖欲以靈怪駭冀羣到今圖中尤刻畫
波濤不動銜朱幘飛龍亂流踏平地奔走魚鼈龜龜賁
回觀追騎盡駐轡欲化罔象頭如犢目張睢盱手摩鉢

天塹羽墮空粉粉前騎投身試江水殺機欲涸江身焚
中渡嗟峨壁幾仞赤日浮動光疑曛足知遠勢自橫絕
筆力可卻千轅輜舊聞得之有曹氏外舅寶過黃珠煩
攜我來觀我方醉發論驚處雷砢礮題成放筆再取酒
會閱百卷圖千醺

碎玉環歌

或遺筠以玉環佩之六年矣挂于坐上
環三分焉愛其勁麗輒不勝其情浩然

歌作

白帝夜死金刀紅青天不雲三蟬竦誰遣夸娥割瀛海
短短東南斷羅帶層冰萬里凍不消騶虞刻骨鷓鴣毛
冤魂磬聲冒次非好手美人金盤堆莫教卞子珊瑚哭
國朝畿輔詩傳 卷四十一 三
百足蜈蚣那可贖忍腸磨出趙家姬瓊姊瑤郎相抱戮
泥中小字錦曜瑜元元三孫擲玉孥浩歌窗外書魂小
碧肉殷痕咽春草

長句贈姚稽川用王禹卿韻

姚君新詩如美人明眸一顧心自動有時放意恣怪奇
忽竊寶文出禹洞小篇百讀愛婉麗長句千過駭清縱
細思雄豔兩不爭西子要離恰須共憶昔看花憫忠寺
伯思兄弟騎聯鞚訪君舊榻君南歸晝不相聞夜屢夢
安仁風格空長思聖俞詩篇勞數諷那知昨年試禮部
相逢一笑當儔眾一缶我獻有當瓦萬木君遺大厦棟

高懷早自視浮雲鄙人許共和清弄祇今更喜街衢連
相過毋教風雨空碎琴肯索市人知換酒須來狂客誦
君有散帙詩百篇篇篇欲挾天風送次山作頌自摩崖
子雲草元寧覆甕無絃己見子情移善射非關爾力中
當知內得馬卿傳何取多岐楊老勸古人文章信垂世
豈以虛名要實用蒼茫寶氣上九天四瀆效珍五嶽貢
方今離明正朱雀況子交遊盡白鳳九皋響遏聞胡遲
五采翼成品始重曰余古好嗟大愚不顧今非未定痛
支多束筭轉成慚日去隙駒祇內恐請撞金玉上本原
莫注蟲魚供役從立言與子發鯨鏗餘事何妨聽蚊聞

國朝畿輔詩傳

卷四十一

三

稽川見和長句疊前韻奉答

雲平月白天高秋光如明鏡浮水動寥寥六字清心魂
想見飛仙窈窕洞美哉良夜懷佳人酣歌答我憐悽縱
相思三日苦不聞清角流徵那得共今夕過君讀君詩
到眼橫飛腰裹鞵梅華翠羽曲未終恫恍似到羅浮夢
君乎才調真天然攜歸不置連宵諷何來傾國余目成
便欲棄甲夫口衆憶昨弱冠勇爲文自關門庭樹高棟
諸君人傑方同堂和古酬今等戲弄共說岑參輒好奇
頗類張騫敢鑿空幾年感病傷別多得句無人只自誦
每當佳節一寄遠忽忽日月吟聲送如今讀書漸趨拙

自謂汲古當抱甕愚公有志或可成竈也多言豈不中
况復山陽近歎逝

謂孫汝昂
郭鯤甫

未聞鄰笛淚已慟文章不

復能自存候蟲時鳥真何用我今得子慕愈郊肯逐虛
名附王貢羣魚發發孰真龍衆鳥啾啾此孤鳳當知不
文莫行遠要令有物須內重君方猛氣古何難我已折
肱今覺痛萬卷直破非其愛六經不約竊所恐千秋作
者李杜韓誰起九原吾請從偶然放論還自嗤與爾聊
爲鄒魯聞

覺生寺大鐘歌恭和

御製用沈德潛元韻

秋原驅馬如遊龍探幽忽驚落照紅同行來訪覺生寺
國朝畿輔詩傳

卷四十一

重

要觀法物圖妖凶中央鉅閣仰極目四周勢合天圓同
崎嶇百折到閭闔呼吸上蓋雲霞封下瞰連紐蕩魂魄
一木何以懸神鐘鐘成八萬四千石其高幾丈鎔青銅
旁書華嚴上梵咒筆力刻畫如刀鋒空疑玉階藥白覆
形模怪大難爲椿又愛此書鴉可博不學奇詭誇鳥蟲
豈知鑄自永樂歲皆云道衍心憐忠北平邱開髡髮進
秉忠入夢何重重詭詞白帽獻王子技癢兵法非談空
當時朝臣誰士爲謀人骨肉除強宗湘藩入火事較慘
詔責旦夕來燕中此髡踴躍乘事會妄言風雨飛龍從
殺機先發約能玉九關夜克兵威隆入市相人出祭燾

往往左道驅狂蒙金川竟斬孺子遜天之所壞宜謀工
忠臣同日死炮烙方鐵浩氣吹長風奈何十族善人殲
奇禍不獨墟天宮乃知此髡能作賊反覆九有由其胸
勿殺孝孺徒誑語坐視斬刈麻與蓬區區鑄此更何爲
欲以佛語銘私功百年事往賸遺器發聲時一驚羣聾
大林景陽不可見此物亦是蒲牢雄西郊閒眺一懷古
萬壽樓圯迷前蹤自從 世廟更置此千人輦致

傳兒童今

皇作詩刻石上摠衣再拜心肅雖古

來至寶或滅沒嗚呼安得如爾之遭逢

張方海龔鑒成見示所作通州開平常忠武王廟

國朝畿輔詩傳

卷四十一

十四

歌和以長句

高齋坐冷羣書堆日光倒牖如烘煨盈盈潞水寄我札
快意先向題封開中言城南遊興美郊原連步搜莓苔
開平忠武昔遺廟長歌見示何崔巍當時異人誕淮泗
紅羅天降同郊祿將軍夢寐感眞主金神擁盾呼頻催
遂偕中山佐帝業鞭麾豪傑驅嬰孩采石長矛天塹入
康郎大翦封豕摧艱難左右百靈懾勇氣所向先風雷
龍江禡牙議北伐曰擣心腹除根荄采原半下纜匪歲
聯翩勢壓河西來將軍金鼓自天下大都已破師西回
奇哉擴廓亦倔強回首通郡連空埃將軍奇兵將九萬

間道直抵黃金臺千騎八伏日三捷開平夜拔逃龍媒
象輿玉輦北荒去手闢明祚有八垓功成百戰柳川隕
血食此土真宜哉于今草木幾榮落廟貌彫剥空蒿萊
國家至德享歷代歲歲典禮陳尊疊鑄金作配尙不餒
刻木遇盜嗟何災

廟中神像舊以沈香爲之盜攫去幾十年矣

諸君殷勤弔

古蹟每到空濶心低徊兜鍪擊劍儼儀衛英姿彷彿張
眉鬚百年太平遺事盡何況隔代誰能該空勞奇句發
遠慨開口一試噴瓊瑰我昔遊潞恨未到不向碑字捫
奇核城南舊遊盡高舉十年詩老人崔隲祇今一篇更
鏡絕莫犯俗目防驚猜明鏡頻挑勉相和慙愧筆力非
國朝畿輔詩傳卷四十一

五

雄才

上清含象鑑詩

含象之鑑星雲交環以八卦橫三爻上銘天地下日月
辭嚴篆祕牙不贅云是天台司馬鑄有唐中葉聞于朝
藏之寶函題國字永照叔世祛靈妖開元歲終天寶始
乾坤昏墊人神淆千秋金鏡夜半失海棠變魅蝦蟇跳
鼙鼓揚塵魄正晦金戈回日光還朝當時此變豈天醉
誰擘天眼開重宵不知此鏡懸帝所照澈四表窮秋毫
有人持月攝魂魄啾啾萬鬼難藏迷忠臣百戰翊唐運
此鏡不與分功勞被褐道人道行高來索靈寶千里遙

正衣冠笈手紬繹出遊獨與神物遭微圖據典廣博合
苦色上貫天招搖收納懷袖祝神護恐有幽怪來爭標
持歸把玩示同好欲使異事傳歌謠韓歐死後幾百載
剝落石鼓鏽寶刀嗟我遇此豈易得恨無筆力相籠牢
經時迫促不措手歸流忽待雙飛舫子行莫持照江水
坐看呼吸連天濤

萬壽亭

循城以南寺龍輿有松壓寺驚龍騰舟隨水折赴亭下
萬頃當面玻璃凝艤而登岸款門啟个个凍立千竿冰
彤精下燒寒綠禦盛夏逃盡羣飛蠅清風時來柯自戰
國朝畿輔詩傳卷四十一
葉底天籟呼微磨肝脾沁透聲色併涼達耳目洞我磨
曲徑疊石亦可喜繞廊迴互堂初升碧池在庭窗戶敞
來酌要馨壺如澗樹蒼壁素淨于拭可用槐扇兼胡髯
出倚虛閣好眺望平流入掌闌還凭行足所憩到穩適
如此清景消炎蒸行者倦矣行未已快哉聊復冷然乘
一寸二寸魚若有竹陰垂釣吾當能

渡淮二首

淮水桐柏流崔嵬東走直到濠梁隕鍾離古城當面出
我輿橫度淩波開楚宮舊築吳滅處考索要假董玉杯
秦漢之際梁籍起江都部勒初歸來符離已誅朱雞石

彭城更上戲馬臺東歸分霸足衣錦豈意漢定三秦回
鴻溝中分廣武語狡獪百出張良才固陵決計縛猛虎
鐵兵信越軍臨垓楚歌四作虞兮死衝圍率彼清淮隈
田父左給馬童面故人鬼伯相追摧天亡太息心獨愧
啼鳴幾發雍門哀何不渡江重捲土徑南去王金陵哉
六朝南北吹戰埃草木風鶴軍卻摧此間邵陽洲在目
輸馬建武魏乞哀蕭梁昌君奇刺史楊大眼走十萬枚
數十戰射應弦倒敵尸薪積平城堆曹韋夜救樹鹿角
截洲營立晨驚纜隋隄誰又築通汴取土直借阿房篔
大師且罷大役起淮流如沸仍皚皚唐餘李徐更保此
國朝畿輔詩傳

卷四十一

三

周宗撻伐聲天雷絕流人持橐駝炬夜駭百鬼騎龍來
書生南宋詎曉戰符離一敗胡爲哉元末真人出濠上
紅羅下覆天生孩功成臨淮首置縣故陵倚水蜚廉埋
我朝太平百年久蕭鄴畫一縣幾裁山川清絕遺老
盡一航徑渡心低徊使者採風宣德意不須弔古同文
該

三月十六日試罷觀合肥縣學旁巷王氏海棠

憫忠寺裏年年看海棠晚放春風寒廬州江邊春半早
人言仙樹燒砂丹一枝折來餉鑠院繞之百市思同韓
上已盼盼十三近心愁花到清明殘

是月十三日清明

故試幾

望匹馬導循牆曲折東家壇卻騶步卽不問主朔方花
部此可汗吾未駭花已駭樹金狄高鑄形蹒跚又怪天
姝古之美十尺妃匹何姍姍大珮長裙世獨立霞髻霧
縵霄猶千俗人無復出人見敢婢梅益臣益蘭微香小
藥足豔目夏蟲合對朝茵歎此樹十圍又十仞散花兒
侍雲衣難曉空沆瀣飲花醉色飛初扇形烏翰東方勃
澥倒吸景杙杼亂挂千枝珊升紅上聚照山火下土仰
視羞寒單平生愛花兼愛士士如此樹嗟哉難江南有
秀吾略采碩人未見心匪安又院憶花出懷士此花光
敵文波瀾故林調饑勞夢想適來爲爾忘朝餐

國朝畿輔詩傳

卷四十一

三

潞琴行爲汪秀峰賦

衛人斲桐桐音完浙人緹絲絲音單碧軫黃徽太和字
刻曰潞國之世傳神宗弟子嗣封一製雅琴百舞六旬
十三陵氣黯不佳哀哉王孫摧斷漆金牛湖畔銷聲去
鳴雞埭上靡音聚梨園寡色醉天謠濮流盛響哀江賦
百六陽九天阨眞九節度潰四將軍梅嶺援臣空有鬼
史閣部初議立潞王常澆不果冷泉檄客更無人三百年來廣樂歌宣
琴發始潞琴卒遺音太古樂曜仙印月小川慟肥佛琴
絃神純玉體美全城之命活君子思陵御物擲何存廣
海孤生抱而死此琴蹤蹟杭人得親傳手澤心心刻一

彈松柏湖草青再變徵官海門黑時平人老年復年囊
塵柱朽虛壁懸引酒誰澆怪哉土臨風若訴鞠通絃無
端哀樂聲聲潞名琴難得琴師遇吾情欲移東刺舟此
材莫是西靡樹

倪文正公秋山圖行

有序

先生自題云天啟五年八月寫于維揚舟次按
公子會鼎所述年譜天啟五年乙丑三十三歲
殿試充掌卷官奉節冊封德藩王驕先生正色
警之如禮事竣引疾中途繳節歸省母時璫燄
日熾言則遺北堂憂故引疾歸也據此則夏初
殿試又奉冊使秋八月歸舟次揚州正其時也
嗚呼以先生之大節而小人惡稔姑且避之君
子之心可悲矣此圖不當以畫觀也

國朝畿輔詩傳

卷四十一

五

七歲隨親賦舟月水底青天句清越四十六歸製小舟
若爲李郭追仙遊茲者揚州舟忽次年三十三職中祕
使臣冊出折王驕孝子車迴將母淚是時歸思滿秋山
大小淮山水一灣離騷招隱或自擬狂客乞湖未可扳
偶然拈筆家峰似江岸沿沿度行李鳥影天頭耘白沙
雲疊嵐腰覆芳芷千周百折面面青江南楓柏猶未零
密林轉遠金虎穴短芽卽近白鳥庭先生微意圖中覓

百五十載驚過電勤王熱血望南都避厥冰心託東絹
卷舒再四闔且開畫手何從得此來發發非風悲更寂
泠泠何色寒相催彼燎於原吾休撲秋水空空寫一幅
青鞵布韞古來心此畫何堪百回讀

贈太平周泉

君家屋前看天都鍊丹臺滅軒轅書峰峰似有古篆蹟
溜痕屋漏痕不如一朝棄去四方走盜竊精靈腕底有
在昔繆篆偶試之漢庭官私印得手昨秋過岱想斯拓
琅琊刻石未焚落今茲更復秦中遊說文偏旁陋宋作
五陵百原土蝕花綢繆綠沈漢印佳雲陽何人佩銀鈕

國朝畿輔詩傳

卷四十一

三

出土媚向他生誇

前年嚴舍人長明遊陝得董賢銀印余在江益見之

前水後水

流無主紛紛好事印漢譜姓名輕重一片銅獨涕愴然
不見古周生摩挲日三四古人骨朽賸幾字命官白事
聚訟來目力費盡渾閒事我亦喜注蟲魚人老寫六書
尊許君摹印專門世何有奏刀歎爾真絕倫點畫毫釐
刻審訛人生一失千里多何如歸臥少游里休強論文
學伏波

半城

半城當嶺盡卓午轉村窩山勢收東國沙痕走大河州
鋪新雨足目迴卷雲多三日清江近扁舟欲放歌

舟之江口卻寄程舍人魚門

前宵過六月江上暮全秋潮水推波重蟲聲出草幽雲
烟迷鎮口燈火隔揚州回首停橈處伊人不可求

臨淮驛館閒眺

曉渡驛亭憩登臨此覺便天青三楚外波淡一窗前空
遠低村樹平斜上水烟踰淮談色味霜老木奴圓

雨後遊陶然亭歸飲慕青編修寓齋次覃谿前輩

韻

江屋過沈雨歸來稀到亭淡陰三角堞新綠一池萍僧
定無人見塵吹昨夜停壇邊依舊樹若爲十分青

國朝畿輔詩傳

卷四十一

三

平原懷古

斜日荒城賸古祠漁陽鼙鼓動當時上皇不識驚名姓
長史親傳照版碑蝕血無疑兒反恨賜書當死賊何知
不須競說公仙去野老能言魯太師

南陵道中

亂峰欹側送年光路由南陵地覺方短稻秧肥三尺綠
小松鍼細一林蒼喜新山水人傳癖求舊詩書自笑荒
今夕敬亭天落手渺無搔首句攜將

贈別蕭山大父行鴻鑣翁

七年孤艇越人逢百歲全家燕市蹤江驛程期二橋月

邱園魂夢半山松疲驢失徑公潦倒倦鳥知歸我敬恭
颯颯朔風吹不住一尊別盡故鄉醴

懷汪劍潭

寂寞才人滯水村故園尙倚九峰尊
虛齋樂府徒相媚繞郭花叢不見魂
風月無期人易老江河有信語餘溫
轉因收歲思君切鐙後琴前影欲昏

衢州陸行

陸轉城門南更東富春別去略恩空
枝野樹饒烏柏短聖人家半綠櫻
諸嶺十程真可喜小江百里尙堪通
青湖此去青無限應許黃家畫筆工

國朝畿輔詩傳

卷四十一

三

金砂道中

杖屨石露水稜乾皴綠山山色未闌干
翼蛩聲呼暮草幾林楓葉照涼灘
情懷祇覺詩宜瘦節候如知客畏寒
我自官閒攜好友何妨十一月來看

發太平館作

行色雲邊透薄暉雨聲向漏撼牀幃
先春得氣梅纔放出岫無心雲欲歸
老去江淹花好賦別來雷煥劍斜飛
北行處處都堪誌不惜囊囊更上衣

梅花有憶

見處頻將古幹捫冷紅薄愜我思存花時似慰三生夢

別後猶銷幾夜魂
冰雪心情何敢密
江山氣候若爲溫
只餘一棹空歸去
斜掩荒庭啄木門

國朝畿輔詩傳

卷四十一

三

